

## 一 政议

### 修浚都江堰疏

清·佟凤采

四川巡抚佟凤采题，为详兴水农之政，以足民食事。案照顺治十八年六月二十三日，据左布政使杨思圣呈称：奉前巡抚高民瞻案验，顺治十七年八月十七日，准工部都水清吏司案，呈奉本部送工科抄出：该本部覆工科右给事中薛鼎臣题前事等因，移咨到院，备行到司，奉此，随经备移水利守巡各道查议。移报去后，今准守西道移称：据成都府申，据郫、灌二县回称：“查得当日水利，旧有都江堰，开凿于秦时郡守李冰，灌溉十一州县。值张逆变后，所余人民，止就隅曲之水，以灌偏僻之田，苟且延生，未遑修理。顺治十六年，蒙监军道详请三院司、道、府，远近文武捐金二千有奇，雇募淘凿。即今开垦渐广，但疏浚之水道易为沙石滞塞。欲为永久计，必令行用水州县，照粮派

夫，每岁淘凿，庶民不忧旱而国赋渐增矣”等因，移司准此。又准巡北道移据保、潼二属州县回称：“查得各属州县所辖百姓，住居高岗四野，且地势狭隘浅薄，非平川可比，并无新旧水利当兴”等因到司，又准守巡东南各道，移覆相同。各等因移复到司，准此，相应呈报到臣。该臣查看得蜀省川东、川南、川北皆崇山峻岭，并无应修应筑之塘堰，惟成都为省会平川之地，旧有都江堰在灌县，灌溉成属州县。自遭兵燹之后，堰堤崩颓，通渠壅淤。至十六年文武各官捐助修筑，疏通水道，目前暂资灌溉，已于本年闰七月内备咨工部去后，至八月臣复将都江堰修浚事宜，于条议疏内列款入告。迨九月十五日准部咨内称：此案应当提覆，复行到臣。该臣覆查前情无异，理合具题。

## 都江堰酌派夫价疏

清·宪德

四川巡抚宪德题，为敬陈管见，仰祈睿鉴事。成都一郡，地处高阜，所属田亩，惟藉引水灌溉。查灌县都江堰，自秦时蜀守李冰凿离堆以导江之支流，当时大书“深淘滩、低作堰”六字，刻于石壁，以为千古治堰之要诀。后人因之创为竹笼作堤之法：以竹编笼，纳石于内，筑人字堤以资捍御。每岁淘筑，遂为成例。人字堤之下，又有太平堰、三泊洞、泊桥堰、上下漏罐堰、羊子堰、徐堰河、导江堰、牛子堰等处分流，而郫、灌、温江及崇宁、新繁、新都、金堂、成都、华阳等九县，俱引水溉田，由来久矣。其岁修之费，从前用水民户，照田块派夫：灌县出夫六十九名，温江出夫十一名，郫县与崇宁共出夫四百八名，新繁出夫九十名，新都出夫三十六名，金堂出夫九十名，成都出夫九十名，华阳出夫九十名。以上九县，共出夫八百八十三名。每夫一名，折银一两，共折银八百八十三两。雍正元年以来，每年修筑之费或五六百两，或七八百两不等。自雍正六年因人字堤冲决壅塞，五、六两年费至一千二百余两不等，通算每年须派银一二三百两，方可有备无患。但从前

照田派夫，因川省田地，向来不知亩数，唯有计块出夫。自今丈量已竣，亩数可稽，若仍以田块较算，不无大小悬殊之别，实属不均。臣愚应请计亩均摊，方无畸重畸轻之弊。查九邑田亩，惟灌、郫、崇三处得水最近，获利最普；其温江、新繁、新都、金堂、成都、华阳离都江堰一百余里者，其用水之处，不无迟早多寡之殊，则出银之处，宜略为区别。如郫、灌、崇三处，每亩派银二厘；温江、新繁、新都、金堂、成都、华阳，每亩派银一厘五毫；又华阳县内用水略少之田，每亩银一厘，庶得平均。今按九邑丈量清册，实在用水田亩：灌县田一十一万六千一百九十八亩，每亩派银二厘，该银二百三十二两三钱九分六厘；郫、崇两县田一十九万一千六百二十五亩，每亩二厘，该银三百八十三两二钱五分；温江县田一千二百九十四亩，每亩一厘五毫，该银一两九钱四分一厘；新繁田四万六千七百五十三亩，每亩一厘五毫，该银七十两一钱二分九厘五毫；新都田七万六千九百七十一亩，每亩一厘五毫，该银一百一十五两四钱五分六厘；金堂田五万五千三百五十七亩，每亩一厘五

毫，该银八十三两三分五厘；成都田一十九万二千七百二十六亩，每亩一厘五毫，该银二百八十九两八分九厘；华阳县田五万四千六百三十九亩，每亩一厘五毫，该银八十一两九钱五分八厘；又水不敷田二万四千九百七十五亩，每亩一厘，该银二十四两九钱七分五厘。以上共田七十六万五百三十九亩零，通用派银一千二百八十二两二钱二分九厘。每年令各县照数征收，竟解水利同知衙门。该同知预将估修数目造册报明，俟修完之日再造册报销。所有余剩银两，仍贮

同知衙门，以备夏秋水发冲塌之费。务令深淘坚筑，使各处田亩俱资灌溉。如草率从事，即行查参。从前民自修堰，其派夫银两，俱系里甲经手，不无支少派多，致归中饱情弊。请嗣后各县乡村用水田亩、派银数目，刊刻木榜，通行晓谕，照依江南河工岁夫折银之例，官征官解，给以由票。此项折夫银两，不加火耗，永为定例。庶几国计民生，大有裨益，实小民万世之利。理合具题，伏乞皇上敕部议复施行。

## 复议四川巡抚硕色奏请 石牛堰沙沟黑石二河动帑兴修疏

清·户部

户部奏：为遵旨密议事。乾隆六年七月十六日，内阁抄出四川巡抚硕色奏称：“窃照蜀省山多田少，全赖都江大堰分水灌溉，遂至沃野千里，民食丰裕；而一切堤堰工程，必须每岁修淘。从前都江等堰修筑公费，均系用水农民按亩捐派，未免艰难。仰蒙皇上谨念民依，洞悉利弊，御极之日，沛降恩纶：‘今行文各省，将捐输各项，自乾隆元年为始，一概革除，毋得私行征派，以为民困。其挑挖工程需用银两，于公项内酌量动用报销，钦此。’钦遵，随将灌县之都江堰及以下之新金、江安、通济等堰并淘挖城

河各工各程，按年估请动用公项银两修筑在案。去秋雨水过多，堤堰冲坍，修筑工程较多于往年，是以臣于今春工竣之时奏明，亲履查勘，驻宿江干，乃知都江堰虽皆动项估修，而都江以上相去二三里之石牛等堰水利工程，仍系崇庆州与灌县之民，照亩捐派。经臣行查去后，兹据崇灌二州详称：都江堰上流二里许，有石牛堰引水分流，灌溉民田。其流有二：一名沙沟河，由灌邑入崇；一名黑石河，在都江堰对岸引水入崇。因俱在都江上游，是以仍系崇、灌二州县用水农民捐派修淘，每年约共费银六百八十余

两，贫富不同，难免拮据等情前来。臣思皇恩溥被，自应一视同仁；均系堰工，岂可事同例异。况都江堰以下之工程，每年需费数千金，既皆动用公项，免其派捐；而都江堰以上之石牛等堰，相隔仅有二里许，岁需不过数百金，仍听小民派捐，非所以仰体皇仁也。可否仰邀皇上特降谕旨，敕令将石牛等堰岁修工程，归入都江堰等堰，一并估支公项，永免派捐之处，伏祈皇上睿鉴。”乾隆六年七月十四日奉朱批：“该部密议具奏，钦此。”钦遵，抄出到部。查石牛等堰去都江堰仅有一二

里，岁修工料银两即系照亩捐派，从前因何并未同都江堰一并声明；及至钦奉上谕，革除官派民捐以后，因何又不同都江堰一并咨请动用公项银两修筑，石牛等堰现在岁修作何派捐，或系官派民捐，或系民人情愿公同出费兴修，每亩派银若干，否一堰抑或数堰，并属官属民之处，擢内均未声明。臣部又无案可查，难以悬议。应令该抚硕色逐一查明，斟酌妥协，具题到日，再议可也。于本月二十二日奏，本日奉朱批：“着照该抚所请行，钦此。”

## 奏请成都水利同知专驻灌县疏

清·何绍基

四川学政何绍基奏：查成都水利同知驻扎灌县，专管堰工。前任同知强望泰在任十余年，于淘滩筑堰，身亲劳苦，蓄泄得宜，至今口碑载道。以后居是任者，多住省垣，别图差事，以

至衙署渐就坍塌。应请飭下：嗣后成都水利同知不得逗留省垣，以专责成，而重职守，合并附陈。奉朱批：“该部议奏。钦此。”

## 请免缴解摊派加工银禀

禀者：窃邑都江堰大小官堰，为十四属水利之源。去岁水利曾主请加河工银五千二百余两，蒙各宪轸念民瘼，准拨科场款项发领支用，工竣开

水，而后各州县计亩摊派。邑应解缴银六百两，所以填库款而均民力也。第邑境半山，水土甚饶瘠。同治五年、六年以来，外江沙沟河、黑石河、羊

马河漂没良田四万余亩，蒙各宪札前任杨主、钱主两次设法抚恤。去腊又饬筹办外江民工凡十一处，今春次第完竣，共费银七千余两。五月初旬，恩台复饬抢挖新河当二百余丈，用银二百四十余两，沿河遍为劝捐，民力备形拮据。及秋，山雨连绵，江水泛涨，邑内南北诸渠各处多有淤塞漂刷，惟内江走马河水至农坛下游，上因岸折，下为堰逼，势更湍悍异常，遂至横决一百余丈，滚入新开河，坏田一千余亩。恩台现在一面稟请委勘；一面传集绅粮，估约费银二千余两修竣，始克完工，可补官工。所不及查：走马河下分五斗河、羊子河、徐堰河、

油子河，系成、华、温、郟、崇、双之灌溉；及去岁所办沙沟河、黑石河、羊马河等工，下分白江河、龙安河、杨柳河，亦系崇、新、温、双之灌溉。上游必杜其冲决，下游始免夫旱干，是邑之筹兴民工有关各县农田者匪浅也。伏念数年之间迭遭荡析，一岁之内，屡事修淘。两河赤子，元气未复，疮痍倍增，恐财力有所不支，而旱涝必病交至。是以协恳恩台通稟各宪，将摊派加工银两吁请豁免，略为酌派用水各县，则各县毫末之助，遂足济夫灌邑，而灌邑堤岸之修，实兼利夫各县。庶劳逸得均，而水旱无虞矣。谨稟。

## 二 碑记

### 蜀 堰 碑

元·揭傒斯

江水出蜀西南徼外，东至于岷山，而禹导之。秦孝文王时，蜀郡守李冰凿离堆，分其江以灌川蜀，川蜀以饶。自秦历千数百年，所在冲薄荡啮，大为民害。有司岁治堤防百三十二所，役兵民多者万余人，少者千人，其下犹数百人。每人七十日，不及七十日虽事治不得休息。其不役者，日三缗。富屈于资，贫屈于力，上下交病。会其岁费，下不七万缗。毫发出于民，十九耗于吏。概其所入，不足以更费。今上皇帝即位之明年，金四川廉访司事吉当普巡行周视，得要害之处三十有二，余悉罢之。且召灌州判官张宏计曰：“若斲之石，则役可罢，民苏弊除，何惮而莫之为？”宏曰：“公虑及此，生民之福，国家之幸，万世之利也。”宏遂请出私钱，试以小堰。堰成，水暴涨，堰不动。乃具文书，会行省及边军七翼之长、郡县守宰、乡遂之老，各陈便宜，皆曰便。复

祷于冰祠，与神约：“昔凿离堆以富川蜀，建万世之神功也。今水失其道，民失其利，吏乘其弊，若此而神弗之救，是神之惠弗终也。神克相予以治；弗予相，请与神从事。”卜之吉。于是征工发徒，以至元改元十有一月朔，肇事于都江堰。都江，即禹所凿之处，分水之源也。盐井关据其西南。江南北皆东行。北旧无江，冰凿以避沫水之害。中为都江堰。少东，为大小钓鱼矶。又东跨二江为石门，以节北江之水。又东，为利民台。台之东南为侍郎、杨柳二堰，其水自离堆分流，入于南江，南江东至鹿角；又东，至金马口；又东，过大安桥，入于成都，俗称大皂江，江之正源也。北江少东，为虎头山、为斗鸡台。台有水则，尺为之画，凡十有一。水及其九则民喜，过则忧，没其则则困。乃书“深淘滩，低作堰”六言于其旁，为治水之法，皆冰所为也。又东，为离堆。又东，过

凌云、步云二桥。又东，至三泊洞酺为二渠：其一，自白马骑东流过郫县，入于成都，谓之内江，今府江是也。其一，自三泊洞北流过将军桥，又北过四石洞，折而东流，过新繁，入于成都，谓之外江。即冰所穿二江也。南江自利民台，有支流东南出万工堰。又东，为骆驼，又东，为碓石，绕青城而东。鹿角之北涯，有渠曰马坝，东流至成都，入于南江。渠东行二十余里，水决其南涯四十有九，岁疲民力以塞之。乃至其北涯凿二渠，与杨柳渠合，东行数十里，复与马坝渠会，而渠始安流。自金马口之西，凿二渠合金马渠，东南入新津，罢蓝淀、黄水、千金、白水、新兴至三利十二堰。北江三泊洞之东，为外应、颜上、五斗诸堰。外应、颜上之水，皆东北流，入于外江。五斗之水，南入于马坝渠，皆内江一支流也。外江东至崇宁，亦为万工堰。堰之支流，自北而东为三十六洞，过清百堰，东入于彭、汉之间。而清百堰水溃于南涯，延袤二里余，有司因溃以为堰坏，乃疏其北涯旧渠，直流而东，罢其堰及三十六洞之役。嘉定之青神，有堰曰鸿化，则授成于长吏，使底其功，应期而毕。若成都之九里堤，崇宁之万工堰，彭之糊口、丰润、千江、石洞、济民、罗江、马脚诸堰，工未施者，亦责长吏，农隙为之。诸堰，都江及利民台之役最大；侍郎、杨柳、外应、颜上、五

陡次之；鹿角、万工、骆驼、碓石、三利又次之。而都江又居大江中流，故以铁万六千斤铸为大龟，贯以铁柱，而镇其源，以捍其浮槎，然后即工。诸堰皆甃以山石，范铁以关其中；取桐实之油，刀麻为丝，和石之灰以苴罅漏，御水潦。岸善崩者，密筑江石以护之。上植杨柳，旁种蔓荆，栉比鳞次，赖以固，盖以数百万计。所至或疏旧渠而导其流，以节民力；或凿新渠而杀其势，以益民用。遇水之会，则为石门，以时启闭而蓄泄之。凡智力所及，无不为也。先是郡县及兵家共掌都江之政。延祐七年，其兵官奏请独任。郡县乃以其民分治下流诸堰，广其增修而大其役，民苦之，至是复合焉。常岁蓄水之用，仅数月堰辄坏。今虽缘渠所置碓、崕、纺绩之处以千万数，四时流转而无穷，甚便。都江水深广莫可测，忽有一大洲涌出其西南，方可数里，人得用事其间。入山伐石，崩石以满，随取而足用，所在皆然。蜀故多雨雪，自初役至功毕，无雨雪，故力省而功倍，民不知劳，若有相之者，亦忠诚所感如此。致使天子赐酒之使相望于道；台省关工之檄不绝于使。所溉六州十二县之民，咸歌舞焉。而下至郡县，上自藩部，恶其害己，且疾且怨，或决三洞之水以灌其坎，或毁都江之石以坏其成，挠之百计，不拔益固。甫五越月，大功靠成，百一恒费，民永休享，古未有

也。而吉当普会以监察御史召，省台上其功，诏臣徯斯记之于碑。臣闻水先五行，食首八政，九畴之叙，其次可观矣。夫水者，衣食之源，然所以为利，亦所以为害，在善导之而已。禹平水土，犹已溺之，后稷播种，犹已饥之，万世有称焉。是故为政不本于农，不先于水，是为不知务，是谓冥行之臣。李冰一凿离堆，民受其赐；吉当普一修其业，神且不违。彼失其利，而欲废之，不亦悲乎？惟吉当普才大而德敏，爱深而知远，不枉其道，不屈其志，临难忘身，为国忘家，安于命而勇于义，而不知所先务，故事可立而功可建。其在四川，请罢盐运司，正盐井之法，以去奸利。置安抚司以抚四方流寓之民，使安其耕凿。及居台端，知无不言，言无不合，诚国之宝也。判官张宏，殫智竭虑，始终克相其志，虽百折而不悔，亦今之贤有司乎！是役也，石工、金工皆七百人，水工二百五十三人，徒三千九百人，而边军居其二。工粮为石，千有奇；石之材取于山者，百万有奇；石之灰以斤计，六万有奇，油半之；铁六万五千斤，麻五千撮。其工之值，物之价，以缗计四万九千有奇，皆出于民之所积。而在官者余二十万一千八百缗，责灌守以贷于民，岁取其息，以备祭祀。若淘滩、修堰之供，仍蠲灌之兵民常所徭役，以专其堰事。呜呼！后之莅此土者，尚永鉴于斯，勿息其政，

堕其事，以为民病，以为国家忧。臣拜手稽首而作颂曰：天一浚灵，多源于西。岷江导江，禹绩可稽。民生之初，唯水利赖。夫既利之，胡忍貽害？运有推迁，事有因革。保制安危，神实任责。于穆英惠，藩屏坤维。于赫仁祐，骏烈四驰。自秦徂汉，祀以千计。维王父子，蜀境是庇。江源自蜀，王凿其阻。蜀溉余波，厥施乃溥。江趋而东，势通蜀山。春夏暴涨，横溃是闲。既遏其冲，又决其支。以漫以灌，惟堰是资。昔王受命，司我乌牧。为兹惠利，以阜我蜀。今我蜀民，作堰岁劳。殫智疲力，以捍江涛。金宪有谋，将息斯患。王实诱之，旨遗以艰。吏吁于王，愿受指教。王繇之词，继导之玆。询谋允孚，百役以兴。厥志无二，惟王之凭。象鼻之涨，茫无津涯。涌为浅濑，有砾有沙。匠陟彼嶮，言凿其坚。山夜发洪，穴不得穿。匠取彼石，即磊即砢。挥椎运斤，惟右惟左。蜀山不云，蜀日旦出。陟冬届春，民就爱日。彼榘彼蓄，昔木今石。其崇言言，永固尔壘。民听鼙鼓，追思往年。富民醮钱，耕者废田，今兹永逸，孰究我困。显允二神，作我蜀郭。圣神在御，怀柔百神。封章屡上，亟命司臣。锡以徽称，华以钦命，以旌王功，以致皇敬。涣号于庭，揭虔于祠。帝命不褻，神惟显思。登瀛有臣，复请咏赐。俞旨自天，庞命荐至。嗟彼羸氏，百郡列署。惟兹蜀守，



勋烈昭著。异趋殊归，惟德与力。王初庇民，顾尽乃职。岂谓异世，犹濯厥灵。俾王初志，炳孚丹青。王不恃

力，务德是勤。有伟斯绩，益光前闻。词臣作歌，守吏耽刻。江流汙汙，昭彼无极。

## 灌县治水记

明·卢翊

蜀守李公冰凿离堆以利蜀，刻“深淘滩，低作堰”六言于石，立万世治水者法，所以制水出入，为旱涝计者至矣。其用功缓急疏密之序，意自较然。汉晋以来，率用是法。永嘉间李公羸深甃之，唐宋相承，世享其利。元始肆力于堰，无复深淘之意，无乃公言不足法欤？假令沙石涌积，水不得东，则虽熔金连障，高数百尺，牢不可拔，亦何取于堰哉？矧所谓铁龟、铁柱，糜费几千万缗者，曾未几何，辄

震荡湮没，茫无可赖。方诸笼石廉省，古今称便者孰得？比来民受其困，宜坐诸此，予窃少之。乃缴有司，置镜钁钁，役夫三千，从事滩碛，以导其流，堰则仍民之便而已。顾工多日少，群力告瘁，未能勉其所欲为，究其所当止，如公法云者，耻也！旧刻相传在虎头山斗鸡台，水则立其旁。岁久剥落，索弗获。后之君子将无考焉，因磨石重镌碑则云。

## 铁牛记

明·陈鏊

粤稽古导江自岷山掠成都之南而东下，成都之北，水不及焉。《河渠书》曰：“蜀守冰凿离堆以避沫水之害；引其水益用，溉田畴之渠以亿万计。”盖至是始分江通北道，堰之始也。沫盖江之源云。冰姓李，仕秦有功于蜀，民德之，所在血食，号曰川主。其作堰之善，远不可考。崖下有

古刻曰：“深淘滩，低作堰”，盖治水法云。至汉唐尚因之，宋以后或失其法，堰遂坏。至元间，有佥事吉当普者，聚铁石大举缮治，民亦利之，然不能如李之旧；不百年，复崩。我朝自弘治以来，当事者百计修复，随筑随圯。有司岁伐竹木，岁役人夫，费不下巨万，民甚病焉。嘉靖间，太守

蒋君悯其民，思欲修秦守之政，乃具其事，以请宪副周君，相度地势，求故址，得堰之最要者九，欲尽斲之石。其都江堰，当水之冲，则石之外，再护之铁。议者疑之，计所费不貲。会君随赴任江西参政，事遂寝。宪副施君继董其事，曰：“事贵有序，功贵因时，铸铁之功，易于斲石，且要焉，盍先之，徐谋其后。”乃檄崇宁尹刘守德、灌尹王来聘，谋铸铁牛。其费，则议出公储之应修堰者，经画处置甚悉。蜀王闻而贤之，命所司助铁万斤、银百两。时巡抚李公、巡按鄯公，皆急于民，多所因革。执施君议，深以为然，咸刻期勸之，议即成，时庚戌二月矣。春水始发，急切不能兴功，众惧焉。施君曰：“今不及事，不可以为来岁计乎？”毅然为之。于是刘崇宁以君意昼夜勤事，绝流浚沙，凿江底，凡厥所需，不数日咸集。以是月二十四日入冶，一昼夜牛成。牛凡二，各长丈余，首合尾分，如人字状，以其锐迎水之冲，高与堰嘴等。坏冶之日，蜀府差长史李均赍币帛羊酒，劳诸从事者。民环而观之者亿万，欢声震山谷间。其父老皆合掌曰：“此吾子孙百世利也。”计铁七万斤，及工费共用银七百两。时各州县多堰工旧逋，君下令，民乐之。不数日，输即充，费有赢。水次居民，杙急湍为磨碓，以规水利，君弗以例禁，薄税之，复岁得八百金。故事修堰，需舟车之类，尽取诸民间，至

是皆有备，不劳民力，不费公帑矣。金事陈鏊以督学入灌口，牛方落成，往观之。曰：物与水激，其重必克。数十万之石，可致而不可合；数十万之铁，可冶而合也。合，则其重并无尚矣。水遇重不胜，则洄而支；支则力分而弱，及其弱也，竹木砂砾或可以当之。故堰莫急于冲，莫要于铁。嗣是而后，若再斲之石如蒋君之所议者，以岁举焉，其百世之利也。李守故智，要不出此。时刘崇宁及通判张仁度，尚有事堰上。曰：此正古人用铁之意，而未之发明也，乃今知之！请记其事。遂书之牛背，后系之铭。铭曰：岷嶓即艺，民之攸暨。惟蜀之利，岷江之阴。陵谷变易，亦有原隰。惟禹之威，乃启后贤。曰李冰氏，乃凿离堆，乃堰江涛，乃拯昏垫，乃沃千里。顾兹积石，月齿岁蚀。代有吏勤，屢兴屢踣。蜀民嗷嗷，劳此浚水。畚鍤靡止，百室罄只。明嘉靖间，守令则贤。亦有副宪，悯此下瘵。谋用大作，维力则艰。施君继之，相时事事。弗顾弗忌，冰心是思。乃砥洪流，言铸之铁，神人胥悦。二丑狰嵘，天一迸裂。冯夷骇惊，蛟龙怒咽，奔突既定，江沱既醮，溉此万畦。凯惟生民，筮豆饗，郡邑十二，惟堰之资。匪堰之力，系人之力。嗣冰之功，继禹之迹。爰有同心，视此牛勒。后千百年，其永勿泐。

## 铁牛记

明·高韶

灌有都江堰，自秦蜀守李公冰命其子二郎凿离堆山创筑之，以障二江之水，爰作三石人、五石犀以镇江水，以压水怪，以灌溉川西南十数州邑之田，为利溥矣。堰下里许，有斗鸡台，画石为水则者十有一尺。及九为利，过则忧，没则患。复刻“深淘滩、低作堰”六字于旁，以垂法于后。历汉而唐而宋，相沿修葺，率循其法，久之湮没。至于元，堰乃不治。岁役兵民万余，所费巨万，民以重困。时四川肃政廉访司佥事吉公当普，达观要害，乃召灌州判官张宏，谋铸铁龟六万斤，贯以铁柱，垒石其上，溶铁汁，杂桐实油、灰、麻以苴其罅，水利复兴。诏翰林待制揭公傒斯作记，以表其功。至于我朝，旧功渐就圯毁，有司岁令得水州邑役夫输费修葺。成化初，巡抚都御史夏公崧，以地远者疲于奔赴，令专共工料，乃蠲郫、灌二县杂泛科差，专事力役。弘治四年，添设按察司佥事一员，提督都江堰并各府州县水利。自是职有专任，时葺屡省，堰以不坏。正德间，水利佥事卢公翊督工修浚，深及铁板，乃得李公前所刻六字，置疏江亭，用昭永鉴。计粮派夫，分班更役，复启蜀王，得岁

助青竹四万竿，以给盛石簍笼之用。嘉靖壬寅夏，二江暴涨，金堂、简、资、内江一带水势弥漫，驾出旧痕几十余丈，浸淫四五日始渐以落。丁未之夏复然，江两岸田地冲决，见在民居漂洗，靡遗寸椽，盖百年来所未见之灾也。适副都御史严公时泰重临巡抚，见之惻然。过内江访余问故，余答以都江堰久失淘筑之宜，公颌之。入省，即檄带管水利按察司副使周公相、成都府知府孙公宗鲁，选委成都府通判汤拱、崇宁县知县刘守德督理堰工。明年夏，江涨及旧痕而止，不复为患。余乃可作书为乡人谢大惠。公复云：“此有司勤事之力，时泰何与焉？”适周副宪迁秩去蜀，每岁修葺类应一时之宜耳。逮今庚戌春，提督水利按察司佥事施公千祥，虑公费之徒耗，肆图经久之计，爰集刘崇宁同灌县知县王来聘，议欲复铁龟之制。因言上年增立铁桩三株，贯石以砌鱼嘴，今水笼损其半，而省费已二千余金，请制铁牛以护石嘴，计当益省岁费而工可久也。白之巡抚副都御史李公香、巡按四川监察御史鄢公懋卿。二公抚綬激扬、安养全蜀生灵之泽以溥，而兴利远害，凡可以加惠斯人者尤惓惓

焉。乃咸嘉其爱人节用之谊，即日报可。乃于堰口上三丈许，制竹筩、竹笆以拦江流，乃淘江及底，密植柏桩三百余株，实筑以土，与桩平衡，铺柏木于桩；乃漫石板，石皆长几丈，厚几二尺；后熔铁为锭，以铃联之；乃铸铁板为底，作牛模其上。施躬率顺庆府通判张仁度洎刘守德等，誓告于江渎之神、李公之祠。命铸工若干人，分据大炉一十一座，鼓鞴于牛模旁。旋筑土台之上，化铁而泻于槽，以注于模内。更大锅五十余口，陆续熔铁添浇，以满乎模。凡用铁六万七千斤而二牛成，屹然堰口中流，以当二江汹涌之势。复立铁桩三株于牛之下流，以固鱼嘴之石。嘴下照常仍置竹筩、竹卷护持之，都江堰以固，诸堰攸同。初，未即工前三日，大雨不休。铸之日，天忽开霁，牛成而复雨。时观者如堵，欢声如雷，咸谓神之佑之相之也。蜀府遣左长史李公均，持彩缎羊酒以劝施公，而张通判、刘知县以次诸执事若干员，下逮石工、金工犒赏有差。是役也，铸工凡百二十人，炉

夫凡千二百余人。铁为斤者七万二千五百有奇，炭为斤者一十三万，柏木用价白金为两者二十五，柴木用价白金为两者一十，约共费金七百二十一两。惟蜀府助金一百两，余悉出布政司原备修堰之物，为费不甚多而利可久。堰堆既湮，启导以时，不旱不涝，非惟远邑得免忧患，而诸州县濒水稻田乃咸获利。民固乐其成，众咸嘉其绩之伟。施公、蒋公翼后之人有所于考也，复请于两台，遣吏揖余记其事。窃惟诸公修堰之举，凡以利民，远师李公父子之意，然循吉公旧筑，规石以固土木，铁以固石，加意益深，而为谋益远，所以苏民之烦劳，而将以佚之于悠久也。呜呼，盛哉！抑虽天造地设之隘固，然且有时迁变，矧石可转而泐，金可蚀而镵，詎知数百载之下，牛能巍然中流而不移乎？无已，则存乎人焉耳。俾自是而后，有事兹土者，果能心诸公爱民之心，切溺饥由己之念，缙斯成绩，无怠无荒，虽万年一日也，其为水利尚有何终极哉？是固诸公属记之意也。

## 都江堰记

明·陈文烛

灌县都江堰，盖江之会也。禹导江自岷山，西入大渡河，南通于汶，历于灌。堰在江中流为二：有南河者会

新津；有宝瓶口分流为三：至于汉，至于崇宁，至于华阳。灌口堰外低而宽，堰内高而狭，水势也。作堰灌田，始

于秦李冰，司马迁著《河渠书》，瞻蜀之岷山，大李公之功，且云：渠可舟行，民享其利，蜀人庙祀焉。汉唐以及宋元，堰法渐坏。至元间，金事吉当普铸铁龟，民利之。昭代以来，屡修屡圯。嘉靖间复铸铁牛，详在金事陈公鏊记中。其铭曰：“问堰口，准牛首；问堰底，寻牛趾；堰堤广狭顺牛尾。水没角端诸堰丰，须称高低修减水。”真名言也。万历乙亥，江大溢，堰尽坏。成都知府徐元气、灌县知县萧奇熊列状修复，巡抚都御史曾公、罗公慨然允行，后先軫念。巡按御史郭公虑亦深长，增以铁柱，令寻牛趾而浚之。自堰之下，如仙女、三泊洞、宝瓶、五陡口、虎头诸崖间，植三十铁桩。每柱长丈余，共用铁三万余斤。又树柱以石，护岸以堤，水遇重则力分，安流则堰固，大都仿古云。水利

金事杜公诗悉心区画，始万历三年十一月，越四年三月功成，费金三百，灌溉千里，民咸歌颂。御史公适还朝，复按兹土，左布政使袁公随、右布政使潘公允端、按察使刘公痒、参政蔡公汝贤、秦公淦、副使王公原相、金事甄公敬共观厥成。烛闻而叹曰：蜀称天府，号陆海，岂谓沃野不在人耶！秦法：作渠与井田并；太史公论禹分二渠以引河，其来旧矣。如西门豹引漳水，郑当时引渭水，足利于国。中原变迁，间殫为河，法多湮灭。惟李公之堰幸存于蜀，乃二三公修之，俾古人之遗意千载如斯，尚永赖哉。今天下凿者创新论，怠者失故道，及其不支，则曰天也，没壁负薪何益焉？假令人皆师古，则随山刊木之助，至今存耳，宁独一堰哉！余益叹二三公经世之智云。

## 复浚离堆碑

清·杭爱

国以民为本，民以食为天，古志之矣。古重农乃为政之首务，力耕实兆庶之良谋。汉之文景，跻斯民于仁寿，由此道也。但勤惰之事存乎人，丰歉之数系乎天。或旱亢之靡常，雨暘之弗若，桑林彷徨，大圣且不能与造化争衡。则水利之以人事夺天工，其术甚神，而其德诚厚耳。益州，古称

沃野千里。自禹导岷江，人得平土，而塘堰未开。至秦蜀守李公冰者，命其子二郎凿离堆山，创渠引水，灌溉十一州县之田畴，名都江堰，为万世利，厥功不在禹下。是后，则有元至元间廉访金事吉当普建白，用石包砌诸堰，为石门以时启闭。前明成化间，巡抚都御史夏公坝，规画均役，修堰之

法始备。迨弘治间，灌令胡光伐石冶金，即旧址鬻石砌，贯以铁柱，克障水决。正德间，水利佾事卢翊躬督疏浚，直抵铁板，得秦人所书六字诀，曰：“深淘滩，低作堰”，大书观澜亭，用昭永鉴。载在輿志，班班可考，皆踵事而增功者也。大清康熙二十载，岁辛酉，余钦承简命，抚绥全蜀。值吴逆变乱之后，大师进剿之时，貔貅数十万，糗粮于斯取给，经营筹划，日无宁晷。且伊时伏莽未靖，备御时严，而余念切痼瘵，问民疾苦，采察利弊，首以都江堰为急务。盖锦官为省会之地，商贾辐辏，军旅交驰，食指浩繁，咸取足于间间之胼胝。食重则农重，农重则水利重，水利重则堰重，诚不敢因军兴旁午之际，而缓视根本之图也。爰檄藩司刘君显第，臬司胡君升猷，先事商度咨諏计虑，俱有同心。闻此堰废弛已久，往岁修筑，仅以草率应事，故有历三月而水不至田，农人

愚来太息者。遂于是岁孟春，发帑金四百，遴委通判刘用瑞、游击钟声，往求离堆古迹而疏浚之。比至，果于榛莽中得离堆旧渠，砂石壅淤久矣。盖历年堰水，惟从宝瓶口旁出，非离堆故道也。禹之治水，行所无事，李冰岂独不然？违其道而治之，毋怪乎用力艰而决防屡告耳。今仍循古迹，事半功倍。仲春之初，水泽盈畦，决裂无闻，民得耕稼。以有秋，官吏相与庆于庭，士农相与歌于野，咸曰：“一劳永逸，吾人其无阻饥之患矣”。而余藉二三子之力，庶几俯偃輿情，仰答天眷，盈百室而宁妇子，慰余惓惓重农之意也。稽诸祀典，《记》曰：“法施于民则祀之，能御大灾捍大患则祀之。”李公诚其人，祀不可以不崇。是用遣官致祭，以报功德。仍勒石以记其事。俾后之君子，知民事之不可缓，而此堰之疏浚，在法古而毋忽，斯民其永赖乎。

## 修建太平堤碑

清·朱载震

成都府灌县之都江堰，其水源来自松潘之上流。其利于民也，成、郫等九邑咸资灌溉，昔人所称“陆海”者也。虽有岁修成例，要皆视为故事，涂饰一时。康熙丙戌夏五月，淫雨弥旬，山水泛滥，人字堤、三泊洞、府河口

尽被冲决，诸邑沿河之城郭、庐舍、田亩漂没者灾伤见告矣。大中丞熊公惻然深念，立捐俸资，委员详验，多方抚恤，无使失所。继又叹息曰：“是特一时权宜事耳，不可不为一劳永逸计”。冬十月，躬行相度，计程三百里，

不殫劳瘁，一日往返。乃与僚属从容商榷，某处当修，某处当浚，了如指掌。惟是工费繁多，非千数百金不足以济，而民力民财又不可以重累也。公于是首捐清俸，以及藩、臬两司，成都府属用水九邑皆与焉。复遴委别驾标员，协力鳩工。自一阳始生，至次年春仲，凡三阅月，筑人字堤三十八丈，高八尺。又于府河口、三泊洞筑新堤长八十三丈，高八尺，厚五丈。支分条析，水得复寻故道，灌溉无遗，民将世世食其利，岂特一时庆安澜已

哉！以故，九邑之食租而衣税者咸拜道而颂曰：公之乐于创始，孰如公仁？公之洞悉源流，孰如公智？公之倡导捐输，孰如公义？公之先时集事，孰如公信？嗟夫！公抚蜀仅三年耳，凡此十郡六州之人，前所谓不便及今所愿欲而不得者，公皆为之除弊而兴利焉。春生秋肃，阳开阴闭，令修于庭户数日之间，而人自得于河山千里之外。今又軫念九邑黔黎，遗乐利于无穷者如此，公之功与流水同长矣。是役也，劳在社稷，不可以不书。

## 千金堤记

清·彭洵

导江始神禹而无堰。秦守李公，凿山穿江，千里沃野，六字垂经，蜀堰始特闻。汉唐因之，宋稍坏，递元，益以铁龟、石门，明增铸牛与柱，皆仿李法，留意离堆。我朝仍旧岁修，都江名大著，而堰遂益重。堰固东面崇岗，西背沙渚，中广不逾百步，江水迤邐而下，比三折乃东。每西微雪消，洪流喷激，电疾雷轰，江上诸峰，蹴土欲动。堤间旧设三闸以杀水势，恒泛滥不能容。丙寅夏，江内外灾，闸左口决，奔涛逆下，经数里始汇诸江，居民田庐、丘墓，荡析蕪多。邑侯备上诸大府，观察钟公仲山以今司马曾公贤，言干当事，檄公至。既至之明

年，例修诸堰，咸较前有加。巡视离堆，虑患不可已，作新堤山址，以当闸口。宽广绵亘，若小山侧出江际，水至一折而西。堤脊作亭三楹，以瞰江流消长。刻犀其左，右表以柱，堤曰千金，亭曰望泽，柱曰回澜，大都仍李公遗制而参伍之耳。工既讫，召洵志颠末，辞不获。嗟夫！有官守者，贵得其职。公主水衡，勤民事，以捍患御灾为念，弗计升斗。其不忍狂澜之倒，而有障水之虑乎？其令吾乡之父子兄弟慨江河日下，而思砥柱之功乎？后之言水政者将有所则矣，是乌容不记！

## 钱公堤记

清·李芳

吾灌西接松茂，东达省垣，有建瓴之势，为江水所经。江出岷山，神禹所导。秦既并蜀，郡守李冰始分水溉田，蜀因以裕。其上游曰都江堰，屹峙江中。干流疏入南江，最南有石牛堰，黑石河所由始，溉及崇庆、新津。堰系民工，乾隆六年，四川巡抚硕色奏归官工，部议未允。同治六年，钱公摄邑篆，淫雨弥旬，溢逾水则，百川俱决，而黑石河淹没粮田二万余亩，泛亦如之。绅耆陈炳魁等虑复横流，请公为防壅计。公曰：御灾捍患，有司之责也。于是亲勘水道，夜宿江干，集士民商筑堤，躬亲督役，讲明“深淘低作”之义。自索桥西起，袤一百四十余丈，高九尺，宽一丈二尺。更从迤南江口冲决处起，断续至下游苏家桥，共挖河二万四百余方，用竹笼一千五百余条，添筑护堤数百丈，堤外植柳数百株，藉资蟠固。又劝崇庆

州民于灌境分受江水之汤家湾筑堤一百余丈，挖河二千余方，以畅其流。是役也，经始于同治丁卯冬，落成于戊辰仲春，不百日而堰蔽事灼，费二千余金。维时庶民子来，踊跃输将，非公之勤劳所感哉！堤从西岸一带捍御，浅见者专以为黑石河之工，实则沙沟、柏江两河均蒙其荫。公又虑后日水灾，通稟立案弥补，盖力竭于一时，而心存于千载矣。夫蜀中治水者，惟李王父子能继禹绩，厥后元之吉当普、明之夏坝、胡光、卢翊皆著有劳。公今疏筑，殆可与前人颉颃，然不自以为功。每与人曰：“此皆众力，我何与焉？”及公去任，犹恋恋河土，恐其泛滥。迄今夏秋水涨，澎湃不减于昔年，而水归故道，晏然无事，以此卜其后之安澜也。公名璋，字少松，安徽怀宁县人。

## 三首崖碑

清·刘廷恕

从来兴举废坠，必须虑始图终。苟一时筹度未宜，虽百世仍为之病。

考都江堰三道崖脚，向有尖石横于水际，激湍至此得以萦洄。乃同治甲子



春，司事者误听人言，凿去一角，遂至洪涛直射。有谓离堆将遭啮蚀，宜补修三道崖以复旧制，为之屏障，余窃惑焉。计凿石迄今已阅十有六载，离堆屹峙如故。既废天生之石复欲人

力以补之，岂人力果可夺天工耶？纵使补砌功成，势必冲击辄坠。费金无益，智者不为。况基石为防，尚不足恃。余以前车可鉴，特进一步解，泐之贞珉，以释惑于补修者之说云。

## 堰 功 祠 记

清·钱茂

有农田隐君子问于水利主人曰：“凡事之成在端始，端始何在？”曰：“在筑基”。“基之成也久则败，后之起而维持者，又何宜？”曰：“宜补漏。”隐君子曰：“甚矣，天下事基成而终败者，皆漏之一字误之也。能补漏，以复始基，则天下平矣。奚独灌江水利哉？况水利者，利在堰；堰利者，利在河。由河灌堰，由堰灌田，以条分缕析而达于所统之一十四属，则纲纪于河与堰之民。其奸者不辨而伪作矣；其良者不通而隐隔矣。于是利在河，而河漏；利在堰，而堰漏。河与堰一寓夫民，则民之伪不辨，而伪漏；隐不通，而隐漏。数漏交作，而水利不堪问矣。水利不堪问，举凡治水利者与有责焉，使君其有意乎？”主人曰：“噫？吾子所言皆余意，计事而早为之簿正者也。河谁司？司于正。堰谁主？主于长。民伪谁辨？辨于调查。民隐谁通？通于研究。因是而委河正；因是而委堰长；因是而设调查所；因

是而设研究所。两所设而民伪辨，民隐通矣。两委定而责成专，水害除矣。所以河流不溢，而河之漏补；堰水不固，而堰之漏补；民伪不作，而伪之漏补；民隐不隔，而隐之漏补。则向之水利不堪问者，至是或无愧焉。虽然，事非亲历者不知难，病非身受者不知困。当戊申冬季，余权任来斯，尝私计曰：是先人之旧治也。雪泥鸿爪，两世因缘，灌于余不加厚乎？余何敢畏劳焉！江干督工，风餐雪虐，波涛嚼啮，心折骨惊。况灌江为出水之区，而治工又以严冬为吃紧，治一不善，则来春洪流汛涨，其受害反较他属为烈。故从前外河一带，冲毁良田以数万计。前县令某与权斯任者有鉴于此，乃通禀各大宪，于受害之区分设水当。水当者，免除杂捐，于正供外，只就地丁税每分上钱二十，留作河工之用。见分六当：曰沙沟、惠元、怀德、惠济、新河、均济，内有二当，系先大夫所禀设者，余尤耿耿焉不能暂

释者也。时移势异，百弊丛生，六当所留之费半入豪强。前县令赵金鉴稟归津捐局代收，每年几至千金，而借工请费者纷至沓来。于是每请一次，而管局者扼其半，请费者又扼其半。即以资财兴工，亦不过假塞众口。所以河不治而河漏如故，堰不修而堰漏如故，民工伪不辨而伪漏如故，隐不通而隐漏如故。故历年争水之际，民则蚁聚草野，猬集公堂，咆哮交作，大伤政体。甚有因利乘便，挟货入城，以希免厘税者。前丁文诚忧之，奏请十万金钱，飞洒灌口两江，变竹笼为石堤，意欲竭一劳以安万古。不知自冬徂春，仅三阅月而迫，时短者事多荒，矧灌江如此难且巨矣！春潮堤发，前业尽坏，河神貽笑，酿为京控。呜呼！文诚之心苦矣，而民情亦可大畏也。余所以事必亲历，疾如身受：凡河不善者，必指画以善之；堰不良者，必督责以良之；民伪不辨者，必剖析以辨之；民隐不通者，必洞达以通之。赤心可以感人，众擎乃能举事。此余于河堰两工其期即虽如故，而其工视常年略加密者，则断断乎可自信焉。且为公家省千金之费，而后清理各当，每年例捐之款，一仍局收而自主之。事毕计算，则向之局收不满千金者，兹增至二千金有奇，盖乾没去而实际

出也。至一年，河堰两工，民之修补若干，出付若干，则责成调查所厘清，揭示通衢，以昭公信。人力可恃，而天演无权。今岁水涨至十七画，各属俱安然无恙，且无一人以争水来告。问诸野老遗贤，佥曰：是河正督工之得力也，是堰长率沟长之尽务也，是研究所辨民伪之劳思也，是调查所查民隐之获实也。吾属频年水案，不涸即涸，而必如今之洋溢滂沛，宴然无惊者，皆前所未有也。况历年截水枵槎飘流必尽，今存二十余架，且有生梯。以疾流湍汛之中，而枯本何以定根，不定根又何以句萌条达，此数十年难见之事，而今见之。天人相通，祥瑞立应，谓非使君治水之力，而何以能至哉？”隐君子闻之而怡然曰：“使君之功懋矣，举其一二年所委所设等，可以对国家，可以对黎民，可以对亲庭之训，可以对后任之贤。留遗惠以作息壤，嗣之踵其事而增华者，又安见非使君功哉？”余曰：“噫！余何功焉？秦守父子尚矣！后此有功于堰者，历世均不乏人。因详请于二王庙侧，改建堰工祠，祐具以祀。其政绩则裁成小传，勒有专书，以备掌故。此余于斯任稍竭绵薄者，亦不过尽一己之责而已。敢就所为勒石以告后来者”。怀宁钱茂谨记。

## 两修都江堰工程纪略

清·强望泰

《书》云：弗虑胡获。《记》云：虑而后能得。此在一身一家之事，犹宜措置周详；矧都江堰千支万派，溉十四州县之田，活亿万黎民之命，是乌可不熟思审处，薪尽有司之职哉！余荷先忠烈公余荫，钦赐科第，由翰林改中书奉职十年，深以析薪弗克负荷为惧。矢勤矢慎，幸而无愆。道光丁亥仲春，选授成都水利同知。孟冬莅位，周历各堰。至索桥上内外江分水鱼嘴处，见江口宽四十余丈；江身自旧河口起，至宝瓶口訖，仅宽四五丈、十一丈、十二丈不等。江岸一带，积砂石逾数丈；江中为沙石淤塞更甚。各堰笼堤亦冲刷损坏者过半。因延访绅耆，披阅志乘，细绎深思，求所以治之之法，觉稍有会于“深淘滩，低作堰”之本义。堰之作也，始于秦守李冰，凿离堆，开二渠，其关键曰都安堰，而内外以分。堰在今灌县治西也。其云“深淘滩”者，所以防顺流之沙石不使淤于内江也；“低作堰者”，所以使有余之渠水，便于泄入外江也。推明其义，因于是冬兴工，即多加河防，广作笼埂，深去江底之磧石，低砌笼埂之层数。戊子春夏，察看水势，六字之法，觉果有验。旋于

各堰，一律如法修治。窃冀数年后，可复古制，一劳永逸。不意两修后，余即有懋功之行也。夫天下事，好奇者矜新法，耽逸者隳先型。堰工不遵六字修理，历有年所矣。余不敢自作聪明，无事不师于古。爰得两次承修各工纪略于左，以志千虑之一得，后之览者或有取者焉。

一、七年淘挖内江江口，长八九十丈，宽十五丈，均深五尺余寸。八年察看，江底较七年约深二尺余寸，是年复加一尺余寸，今年底较上年添约深三尺余寸。

一、挖去古江内沙堆约深三尺，宽十五丈，长一百余丈，使水可以引入古江，新开江口将来可以渐次淤塞。

一、镇夷关脚下，七年挖深五尺，现一石与山连，围圆约一丈许。询之胥役，佥云：每年若见此石，即不淘挖。余谛审其言不确，乃命石工凿去一尺余寸，使与江底平。八年江底较凿去石又低一尺，因又凿去二尺五寸，使与新河底平。

一、紧对卧铁碑下江底，七年淘深二尺，现出木桩与江底平。八年江底较木桩低一尺五寸，命将木桩凿去

一尺五寸，使与江底平。察省志，此处有明时竖立铁桩数根。余淘觅数十日不见，因亦竖铁桩一根于江中，南去岸五丈二尺，北去岸四丈六尺，颠与淘深之江底平，竖处亦与卧铁碑相对。

一、斗鸡台下，向有淤沙一堆，高丈余，周围约六丈许。余命挖与水面平。但旁系深潭，七年淘挖时，恐人夫将沙石弃潭内，被水冲复起，仍成淤积，因逐日亲往督工，命担弃远岸。役夫中有老而黠者，跪余前云：伊在堰三十余年，此处砂石历来尽弃潭中。余知其谲，即昏夜微服咨访，未闻有云频弃潭中者。但察实时，已倾潭中大半矣。以至八年，此沙复堆淤宽六丈，高五尺，余仍照七年督挖去尽，不令弃片石于潭中。是年此处江底较七年挖低二尺余寸，因于北岸石上“深淘滩、低作堰”六字旁，添刻水则十划。初划令与河底平，俾农民便察此处之深浅也。

一、内、外江各堰，砂石淘挖均须倾弃远岸，水涨时，庶不致冲流仍积江内。

一、宝瓶口江身，旧宽十二丈，七年察量仅宽七丈余，余于是年展宽一丈，长二十余丈，深约五丈。八年又展宽三丈，长四十丈，深五六丈不等，仍复古制，使水出口，势得舒畅。并将所挖砂石，置北岸城脚下堆砌成坎。上坎约高一丈余寸，宽三丈，长

三十余丈，下坎约高四尺，宽一丈三尺。

一、走马河锁龙桥下，本系有工处所。闻堰长云数年来并未淘挖，余于八年仍添挖七百余方。又上漏罐通水坝南岸，向无挖工，余见此处沙淤甚高，亦添挖四百余方。又有漏罐转弯处，余见江身淤窄，亦展宽一丈许。

以上七则，均遵“深淘滩”法也。

一、自镇夷关起，至人字堤止，江身展宽一丈五尺。

一、飞沙堰系历来古江，七年此处横铺笼装至十数层，又加装筷子笼。因江底高，笼亦作高。夏间水涨，余亲往察，见水不能泄入外江，当即割笼二层，使泄余水。八年江底挖深，因此笼亦低作，较上年矮去数层，此遵“低作堰”法也。

一、人字堤边旋坑，向来用笼滚填，填齐水面，方用横铺填心笼二三层装砌，上又用搭包顺笼盖面。七年，余见所作，甚不得法。八年，余令堰长、夫头，用篾绳系笼头、中、尾三处。笼入水时，令人将绳扯紧，使笼至坑内，不致倒卧悬栽，亦不致溜入潭内。笼离水面约三尺，即令泅夫下水，用竹篾将笼连环密缝，出水面时，仍照水笼铺顺笼六层；又装铺横笼一层，上始用搭包顺笼盖面。亲督九日而工始毕，较之上年似更坚固。

一、内、外江各鱼嘴，笼尽以竹篾穿系，夏水可免冲刷。至内江大小各堰，笼工因地制宜，俱略有更换处。

一、内江各小堰，察江身向来宽敞，均与江口等。今江口宽而江身窄，尽系居民侵占所致，亟应恢复古制，一时势有不能。

一、太平桥鱼嘴上，砂石积高数丈。走马河南岸，砂石亦淤堆数丈。锁龙桥上下，砂石俱积满，两岸尽是居民田舍，察访俱是向来河滩也。

一、伏龙观南岸，察系旧日考武童箭道，因乾隆间人字堤开口，此处被水冲刷，箭道遂移东郊。余于是处植柳八十二株，欲为将来办工界限也。

一、斗鸡台对岸有大沙堆，余于八年竣工后，捐廉雇夫，将沙挑至人字堤下，与笼基平集，约宽二十丈，长十六丈，深三五尺不等。窃谓沙堆一

去，泄水入外江，堤工可以永固也。

一、自镇夷关对岸沙堆起，至现挖之沙堆止，共约长数百余丈，尽拥堤后，堰虽低作，恐仍无益。余以有志未逮而去，所望继余而来之贤执事，将每年新淘沙石，尽倾远岸低处，将旧堆砂石，量力渐挖，使低堰仍低作，方合昔人低作堰之法。

以上各条，皆体量情形，尽心办工之法。余固知糠秕在前，珠玉在后，毋烦行者之濯濯，而杞人之忧有欲已而不能已者，凡以效滕瞽之诵也。若未虑远说长，则吾岂敢？

道光二十年二月，在三泊洞上游，挖出铁桩一根，长一丈，径五寸，上书“永镇普济之柱，明万历四年造”，字三寸。即移紧对卧铁碑，于此竖铁桩一根，将此铁桩炼合一处，以压河底，俾后之淘挖者，知其浅深云尔。

### 三 诗词

#### 石 犀

唐·岑参

江水初荡鹢，蜀人几为鱼。  
向无尔石犀，安得有邑居？  
始知秦太守，伯禹亦不如！

#### 石 犀 行

唐·杜甫

君不见秦时蜀太守，刻石立作五犀牛？  
自古虽有厌胜法，天生江水向东流。  
蜀人矜夸一千载，泛滥不近张仪楼。  
今年灌口损户口，此事或恐为神羞！  
修筑堤防出众力，高拥木石当清秋。  
先王作法皆正道，诡怪何得参人谋？  
嗟尔五犀不经济，缺讹共与长川逝。  
但见元气常调和，自免洪涛姿凋瘵。  
安得壮士提天纲，再平水土犀奔忙。

#### 离 堆 行

宋·范成大

残山狼石双虎卧，斧迹鳞皴口凿破。  
潭渊油油无敢唾，下有猛龙拴铁锁。

自从分流注石门，西州粳稻如黄云。  
封羊五万大作社，春秋伐鼓苍烟根。  
我昔官称劝农使，年年来激西江水。  
成都火米不论钱，丝管相随看蚕市。  
款门得得酌清尊，椒浆桂酒删臚荤。  
妄欲一语神且闻，更愿爱羊如爱人。

#### 视 筑 堤

宋·陆游

江水来自松岭中，五月六月声摩空。  
巨鱼穹龟牙须雄，欲取圜市为龙官。  
横堤百丈卧霁虹，始谁筑此东平公。  
今年乐哉适岁丰，吏不相倚勇赴功。  
西山大竹织万笼，船舸载石来无穷。  
横陈屹立相叠重，置力尤在冰庙东。  
我登高原相其冲，一盾可受百箭攻。  
蜿蜿其长高隆隆，截如长城限羌戎。  
安得椽笔记始终，插江石崖坚可砮。

#### 离 堆

明·郭庄

凿破鸿蒙一窍，冲流巨石如杠。  
障往洪涛万顷，分来白水双江。

## 离 堆

清·冯世诚

群峰从西来，一峰勒不住。  
飞出水当心，蹲貌森愕顾。  
洪涛一喷薄，石怒水尤怒。  
雷霆走盘涡，蛟鱼莽争路。  
喧轰裂虚空，沫溅风生树。  
回波偶得势，惊遁如脱兔。  
息喘坐亭阴，云入不如数。  
剥藓读旧题，好手悲难遇。  
何如听江声，隐隐风涛句。

## 分 水 坝

清·龚 靖

灌口二郎庙，即此二王官。  
庙前俯江水，双流如交虹。  
中立分水坝，启开司春冬。  
冬闲便疏浚，工毕待春融。  
启坝放水入，离堆当其冲。  
直穿离堆出，远济成都农。  
千流与万派，沟洫由此通。  
滇之松花坝，与此大略同。

## 离 堆

清·李调元

一自金堤凿，三都水则分。  
犀沈秦太守，蛟避赵将军。  
万户饶粳稻，千秋荐苾芬。  
怨夫千二百，谁继武侯勋？

## 都 江 堰

清·吴文锡

龙是何年伏？江流滚滚来。  
神功名永著，山势斧分开。  
作堰敢辞瘁，慰农愧少才。  
眷言秦太守，一步一低回。

## 离 堆

清·吕元亮

凿石虎头崖，石开出虎趾。  
沃野天府田，灌溉自兹始。

## 都 江 堰

清·吕元亮

啮山喷怒雪，垒石起寒云。  
禹绩真堪补，双流此地分。

## 六 言 箴

清·吕元亮

堰浅渠常满，滩深水易流。  
浅深皆同度，此石足千秋。

## 都 江 堰

清·朱凌云

浪架岭头滥觞水，匍匐喧轰砾层巘。  
裂云披雾到离堆，分支别派迅如驶。

忆昔蜀守劳疏凿，拟之龙门功相若。  
治水良法历代传，滩须深淘堰低作。  
只今国家重民依，循吏承命继前徼。  
岁暮长茭槌石刺，益州胥庆稻粱肥。  
我本深居导江县，安步长堤情不倦，  
快睹盛世蓄泄宜，千春万井安耕佃。

## 都江堰歌

清·陈炳魁

都江堰，都江堰，秦守李王父子建。  
堰首编砌大鱼嘴，南江北江江口判。  
南江四分水用周，北江六分水利遍。  
稽古陶尧水滔天，神禹八年平大难。  
史臣持笔书浚川，传出治水千秋鉴。  
李王治蜀纘禹绩，壅江作坝首淘滩。  
左山右堰分浅深，深深侧淘旁崖礧。  
河底当年准石马，石马埋没不可见。  
明人范铁始作柱，万历年号记柱面。  
昭代汪腾两司马，贯石植桩缠铁链。  
紧将古柱牢栓锁，每岁浚淘沙磧验。  
凤栖窝角石标铭，铭字荒杂莓苔见。  
蜿蜿卧虹百丈堰，因山制水布置善。  
湍湍江流虎头崖，崖壁峭峙张石扇。  
对岸指水力北指，北指江流随山转。  
张扉沱下滚滚来，一路夹指无散漫。  
斗鸡崖脚插江心，猛如却潮排劲箭。  
离堆山趾撑峡口，壮如断水挥长剑。  
三十八丈人字堤，堤笼弯环象脚岸。  
前俯后仰鳞叠上，束水让水水回旋。  
如塘如湖如渊潭，波圆浪折雪花灿。  
横湍洪流穿象鼻，风吼雷鸣声不断。

匍匐灌入宝瓶口，控扼波涛终古奠。  
水画十一标水则，盈十则足过则患。  
作堰机关湃水阙，层壅笼石内低缮。  
水小关水水不乏，水大渗水水不汛。  
呜呼，

李王父子真神灵，劈山斫水毒龙缚。  
煌煌六字炳日星，后世治水有成宪。  
嗟予年少未弱冠，强公修堰曾窃看。  
淘工最上笼工次，事事师古为才干。  
淘沙覆岸如山堆，编篁络石如铁纤。  
河道最深河面窄，水利悉均水势散。  
即遇早潦不为灾，全蜀父老颂清晏。  
何意岁月递迁流，遂致堰工亦改变。  
崖脚不留浪直冲，离堆渐惊鳌柱铲。  
人字不张堤太逼，大水何听蛇笼杆。  
南江独高北江深，分水指肱难照按。  
古柱长埋今柱换，挑沙畚插逞欺幻。  
湃阙昔三今留一，大堰年年阳侯叛。  
人字堤决入南江，荡啮粮田十数万。  
官工不足民工补，旋葺旋圯财力倦。  
可怜产没人已亡，同档犹为供赋敛。  
愧我素无舟楫材，溺援桑梓徒虚愿。  
作歌为吁当事者，谨拟庶人传语谏。  
我闻离堆未凿前，大江茫茫水一片。  
奔流直泻下西南，郫下每闻吾鱼叹。  
李王堰右而检左，沃野千里乐耕佃。  
不补岸脚障中流，惊涛日蹴离堆陷。  
一朝石裂连山摧，制流从何施手段？  
我闻人堤未决时，堤下地扶木羊圈。  
中叠石条阶级象，穿孔铸铁相钩贯。  
基址深固上铺笼，浅包低作岁修便。  
癸亥改作一字形，飞激荡决成巨壑。



频年请帑扣工修，夏水秋涨仍漂垫。  
人堤不速还旧章，上下何年庆安澜？  
补崖复堤为大纲，更将淘工细筹算。  
浅则水浮易沸腾，深则水沉无泛滥。  
力锄老底而鳩工，勿谓古柱已鱼烂。  
远岸堆沙厚赏需，挖河镇河惩习惯。  
三十数万西山竹，织作金堤低而健。  
屹立江心分江水，能蓄能泄仿古办。  
此不伤涝彼不早，恩波洋溢各州县。  
人生天地蜉蝣耳，富贵荣华如闪电。  
惟兹立德与主功，  
可继李王百世馨香荐。  
呜呼！可继李王百世馨香荐。

### 登离堆望两江

清·陆法言

伏龙潭上离堆立，伏龙潭下奔湍急。  
万年不尽水东流，劈破鸿蒙忽神泣。  
支分条达沃野成，十四郡县无辍耕。  
当时神方鲜称远，岁久方知莫与京。  
六字心传不可改，深淘低作流风在。

后来不肯师古人，反使桑田变沧海。  
往岁饥驱曾驻役，滥竿未献一筹策。  
今年捧檄来都江，偶思前事心增懣。  
成法万古不可易，后来作者无纷咙。  
但愿波平浪静春水足，  
即令官吏冻馁亦所欲。

### 离堆锁峡

清·马玘

神功昭著是离堆，一线鸿蒙未凿开。  
水引支流循峭壁，南消沫水过崇台。  
宝瓶座镇资雄键，堰口牢关耸极隈。  
一自李公垂绩后，千秋谁不动徘徊。

### 都江堰

清·黄俞

岷江遥从天际来，神功凿破古离堆。  
恩波浩渺连三楚，惠泽膏流润九垓。  
劈斧崖前飞瀑雨，伏龙潭底响轻雷。  
筑堤不敢辞劳苦，竹径经营取次裁。

## 四 辞 赋

### 凿 二 江 赋

宋·狄遵度

呜呼！吾闻鱼凫氏以降秦太守之前，蜀之为国不知几千万年。方二江之害被兹土，以禹之功不是施兮，嗟后来亦奚言？彼民之昏溺兮，无乃得之于天？不能迁土而改宅兮，其流漂亦谁冤。劲崖挺以中亚兮，激狂澜而左旋。横鹜折走莫知其所之兮，吼穹谷而下穿。蛟鼉鳖蟹呀以相濡兮，何允蠢而缘延。嘍肤吮血沸以咀嚼兮，咸饮腐而饱臃。萑蒲菱芡纷以相披兮，污百顷之良田。土不艺而民无所食兮，孰与奏其艰鲜？民之害固不可终极兮，历百千万世，天乃授之以贤。曰：噫！中国之无人兮，遂使民至于此焉。不然水之性固就下善利兮，决之则宣浚九川，而距四海亦奚艰？且就载之孜孜，民不惮苦而诉烦。盖因利而为利兮，劳之在先，不忍一勤其力兮，乃至鹜万世而害弗捐。胡不浚发其利源，铲削其害根？巨崖剖以罅裂兮，书颓乾而陷坤。怒石奋以交堕兮，吁电走而雷奔。荡重渊以

倾覆兮，丧百怪之精魂。云转雾溢盘薄蹙踏兮，注壑于其间。寂寥散漫肆以长往兮，若气散于坏浑。块其余以旁溉兮，居其侧数百顷皆膏腴之上珍。民降邱而下宅兮，若蚁聚而蜂屯。则几年几世之积害，一日刷去兮，不啻捐芥而荡尘。呜呼！蜀之为国，非地之中。宜乎夷貊之杂处，鱼鳖之与同。有李侯者至，然后别类于水物；有仲翁者至，然后同俗于华风。然则今所栋宇而处，衣冠而嬉，皆二公所翳。若李侯之事，固所莫得而继；彼仲翁之教，仰亦何惮而弗为？呜呼！以禹之功，至大至神。括六合以横被，畴有存而勿论。胡兹为害，独不得闻？无乃力不泊兮，仰亦遗其功于后人。而今而后，乃知民未得所欲，事或有不利，先世所未暇除去，圣人所未及裁制。苟有志于生民，皆吾人之所事。若曰兹事体大，必圣人而后为则，小子也不敢与知。

## 都江堰赋

以“然后可得而食也”为韵

清·何咸宜

灌渠纪绩，蜀守称贤。名高北海，泽沛西川。凿山石于离堆，天开沃野；溉膏腴于益部，衣服良田。饭稻羹鱼，詎云莫之致而致；亩桑畦韭，固已不期然而然。原夫沫水为灾，溷崖如吼，非尾闾之泄，则莫挽横流；非脉络之分，则难言虚受。疏二江而派别，浪静潮头；储陆海之珍藏，波恬灌口。从此都江利溥，舟通汉氏以前；爰知沟洫功成，绪纆夏王之后。或谓主簿襄勤，江神乐祸，取妇不经，斗牛未果。然而心劳癸甲，不名子启之生；亦复勋策庚辰，乃见支祁之锁。蹙盘涡之罔两，何妨各奏尔能；批逆浪之银蚪，但愿以成其可。独是渚有犀，然海非蠹测。幸铁柱之可寻，问石门其谁识？岂若澜回象鼻，迭用乎柔刚；固知水活鱼鳞，妙

随夫曲直。碣乃巨螯负戴，壁立重重；桥如雌蜺连倦，人来得得。是盖利因民利，饥曰已饥。观流泉之左右，度地理之高卑。山利旅，川涤源，法导江于《禹贡》；深淘滩，低作堰，访小篆于秦碑。年年箭竹流长，欲及时也；处处稻花香早，偏其反而。彼夫鸿沟开，龙骨拭，徐伯巡，宣房塞。漕引东南，堤连西北。荡斥鹵兮樊君，致富强兮郑国。孰若箕裘济美，共勤恤夫民依；宜乎俎豆荐馨，展明禋于庙食。今日者，宪度汪洋，关心草野。事每戒乎因循，工更防夫苟且。仰流膏于百谷，依然鸬鹚鸬鹚；擅作赋于九能，自尔鱼鱼雅雅。汉文翁之治蜀，我心写兮；秦太守之活民，其揆一也。

## 都江堰赋

清·杨重雅

天开胜景，地涌灵泉。功高疏凿，食济艰鲜。本来源出岷蹕，较青黄而判别；从此流通梁益，统苍赤以生全。上追明德之遗，可符神禹；此亦奇勋之建，合勒燕然。翳夫李子当年，成都作守。清名则衔出一条，盛德则碑留万

口。家声克振，绵堂构以同心；民食攸关，幸斧柯之在手。已奏龚黄之绩，宣化承流；更开郑伯之渠，承先启后。夫以水患未平也，势极奔腾，形还偏陂。湍激石而弥高，浪衔山而欲堕。忧深横溢，决诸东而流诸西；望切安澜，源

在右而泉在左。匠心独运，良工谁是般榘；佛力难施，仙韶空传乌可。况乎溜急非常，潭深莫测。匪霜汛兮江南，非烟波兮赵北。桃花浪起，深山之积雪全消；竹箭流飞，巨峡之奔湍更直。若使平铺芦苇，因持久之难言；即令峻立堤防，亦巧思之未得。尔乃勤相度，妙权宜；淘巨浪，障横陂。以雁行兮作字，以鹿眼兮编篱。大波为澜，动摇金碧；小石曰岩，垒落罟罟。果其东箭堪珍，妙相更超乎不乃；遂使西川永靖，

修鳞不作夫之而。羌位置以从心，实刚柔之合德。网在纲而有条，卮若漏而仍塞。鸭头波影，兼蓄泄以无虞；鸭嘴锄痕，识浅深而有则。看到支分派别，润千里而膏流；宜其崇德报功，享两川之血食。今日者，夏雨愆期，秋霖遍野，锦幃欹倾，银涛远泻。鸠工毕集，用尽长材；豸节遥临，功归大冶。尚赖舆人之力，爰作九歌以劝之；悬知轨物之垂，虽历百世可知也。

### 都江堰赋(并序)

以“深淘滩，低作堰”为韵

清·刘文泽

粵自神禹导江，正源至石纽出汶川而南，其北无水。秦昭襄时，蜀守李冰凿离堆，设象鼻七十余丈，护岸一百八十余丈，横溯其流，故曰都江堰。司马迁《河渠书》云：凿离堆，以避沫水之害。沫盖江之源也。崖下有石刻曰“深淘滩，低作堰”，盖六字经云。其堰水竭不至足，盛不没腰。俗谓都安堰，亦曰湔堰，又谓之金堤。左思《蜀都赋》云：“西踰金堤”是也。夫蜀中诸水，多出岷山，江源在羌地之列鹤村，所谓羊膊岭者是也。南流至石纽过汶，历灌境与湔江合焉。灌之上流有水出龙溪口，又有水出白沙江口，同会于灌。经灌西南流者，即禹所导岷江正流。自秦李冰引江水，循灌城东注北折。于

是，始以东南正流为南江，经离堆薄灌城而东北注者为北江。北江自宝瓶口穿三泊洞而北注者为外江，自宝瓶口直东入五斗口，而东北注者为内江。盖江北折为二，并南江而三之。其北行入五斗口者，在南北二江中，故以内江别之。外江北经崇宁、彭县、新繁、汉州界，会绵维诸水，出金堂峡。内江东经郫县、崇宁界下，过府城，北至城东，会府城南来之水，以趋彭山界。南江经崇庆、新津、东流至彭山与府江合为江口。其出金堂峡者，有简、资、内江、富顺，会于泸州。此都江堰之源流也。爰为之赋，其辞曰：

虎头浪吼，象鼻波沉。竹笼万道，铁柱千寻。俯大江之浩淼，看古堰之

清浔。人字堤边，静秋风于灌口；弩机溪外，涌夜月于江心。淪疏以导江源流，西川利溥；灌溉而无虞冲决，秦守恩深。夫都江堰者，中流岷水，上拂云涛。离堆巉岬，巨浸洪滔。无支奔突，貳负怒号。牛首未成，惊雪浪半天之涌；龟堤何处，听江声一枕之高。湍崩湍流，大坎难通小坎；都安横溢，浅淘何若深淘！则有李冰留心水利，深悉随刊。追禹功之蟠艺，稽氏道之激湍。三折余波，远朔鹅村之派；一朝朴筑，平安牛趾之澜。者番捍卫有资，堤是金而依柳岸；何事横流莫御，瓶名宝而啮肖滩。徒观其疏通沟洫，修理平堤；新渠汛涨，旧渚环溪。桥寻金雁，渡唤

石犀。何若兹膏流陆海，泽普万畦。沫水避流，江之内而江之外；汶沅络赴，川以南而川以西。可知亿万平畴，德洋恩溥；好抵三千强弩，射压潮低。迄今眺望乌尤，遨游羊膊。大小钓鱼之矶，谿舒溷岩之凿。夔駘由是安恬，毒龙无能助虐。斗鸡台畔，堰渠俨若关键；下马骑中，江岸几如锁钥。防溃流于三泊，此地为冲；捍灾患于二郎，斯人可作。我国家九派朝宗，三江清宴。频颁祀典，祭江源渎长之神；用策勋劳，治水利民之传。万世永赖，行见转斗口以成江。四海蒙恩，岂第截峰腰

## 五 民歌 民谣

### 新三字经

深海滩，高筑岸；疏与堵，要全面。  
险工段，双防线，前有失，后不乱。  
堤夯实，坡改缓；基挖够，槽填满。  
石砌牢，脚放坦；勤养护，常看管。

### 修 河 歌

#### (一)

槽子下宽三尺半，来回担挑都方便。  
担钩二寸下把圆，上钩下钩不困难。

#### (二)

快修河，快修河，河修好了生产多。  
过去修河为地主，如今修河为自己。  
砂石堆到河岸上，水又畅流岸又高。  
挖河堂子要平整，切莫挖成拱背梁。  
尺寸照数要挖够，免得背工挖二回。

### 砌 埂 歌

立石过石不要用，还要砌得很落缝。  
高宽倾斜照规定，面上钉石要平顺。  
脚槽挖到三尺深，免得水冲现了根。

### 笼工小唱

竹笼要想编得好，横四顺三谨记牢。  
四十多圈莫要少，稀了漏石装不饱。  
蔑条要用丈二三，周围上下紧紧编。  
中空尺七长三丈，粗细大小配匀称。  
捶竹乃是加弹性，大石才易装得紧。

### 河 工 歌

先开一条槽，不挖自然倒。  
开成豆腐方，吃了一方又一方。  
一次挖到底，节工又赚米。

### 都江堰民工歌

(民国时期)

#### (一)

都江堰，都江堰，征工作堰人无怨。  
一日用民千日利，雅荷海，雅荷海。  
一岁功成百岁饭，雅荷海，雅荷海。  
蜀之水，流汪洋，奔腾万里不可当。  
谁若引灌为国利，雅荷海，雅荷海。  
子子孙孙福无疆，雅荷海，雅荷海。

## (二)

都江堰，都江堰，蜀人努力天行健。  
切身工作一身当，雅荷海，雅荷海，  
为民衣食副民愿，雅荷海，雅荷海。  
岷之水，导外江，至今锁龙尤有桩。  
障得狂澜千万尺，雅荷海，雅荷海，  
造成福利安家邦，雅荷海，雅荷海。

## (三)

都江堰，都江堰，义务征工何须劝。  
难虑始者易成功，雅荷海，雅荷海，

身强壮者为弥健，雅荷海，雅荷海。  
沱之水，贯长江，双江激湍势不降。  
导江别沱追禹功，雅荷海，雅荷海，  
郑渠而外号无双，雅荷海，雅荷海。

## (四)

都江堰，都江堰，筑堰功成操左券。  
过三日者庆百年，雅荷海，雅荷海，  
积尺寸者功巨万，雅荷海，雅荷海。  
江之水，出岷阳，羊膊岭下水流长。  
今岁兴工成有日，雅荷海，雅荷海，  
喜看万户乐洋洋，雅荷海，雅荷海。

## 六 祭 文

### 祭李冰文

(1945年4月5日)

时维中华民国三十四年四月五日，主祭官兼理四川省政府主席张群恭率僚属，谨以少牢醴粢之仪，致祭于敷泽兴济通佑显惠襄护王之位前，告以文曰：惟王绩懋岷江，恩垂锦里。施排决之力，远绍禹功；开耕耨之源，

丕承稷业。威灵曾闻誓水，食富遍在蒸民。群等仰体先绪，思宏堰工。殫心力以图准，守准绳而勿替。兹逢开堰之际，虔申上祷之忱。伏愿俯鉴輿情，默施灵祐：务使川流顺轨，水不扬波；利薄平畴，年征大有。尚享。

### 祭李二郎文

(1945年4月5日)

时维中华民国三十四年四月五日，主祭官兼理四川省政府主席张群恭率僚属，谨以少牢醴粢之仪，致祭于承绩广惠显英普济昭福王之位前，敬告以文曰：惟王功昭蜀国，德遍蒸黎。挽千里之狂澜，父作子述；开西川之沃壤，士感民怀。奋神勇以掣奔

腾，筑堰堤而资利济。群等关怀民食，志切堰工。体古训之昭垂，竭愚衷而则效。兹逢开堰之日，虔申上祷之忱。伏愿俯鉴輿情，显敷灵祐：从此仁膏永沛，千万家共沐神庥；惠泽长流，十四属咸资福庇。尚享。



## 祭历代治水有功人物文

(1945年4月5日)

时维中华民国三十四年四月五日，主祭官兼理四川省政府主席张群恭率僚属，谨以少牢醴粢之仪，致祭于历朝治水神圣位前，敬告以文曰：伏维前哲泽被都安，勳书史策。双江顺轨，壮天府之雄图。万世安澜，溥

民生之美利。丰功既隆于畴昔，礼典宜重于今兹。群等职司河工，时逢开堰，敬陈牲醴，肃布几筵。伏祈俯鉴与情，默施灵祐：十四属恩膏共沐，亿万年俎豆常新。肃展微忱，聿彰盛典。尚享。

## 纪念歌

(民国时期祭祀时用)

繫维我祖溯炎农，禹州稷谷大国奋为雄。遐迹被泽，敷崇殷中，民富国利，粮食是先锋。大造生产，川人

果腹庆年丰，足食足兵齐推重。青城八百里，都江十七县，维王建奇功。

清代都江堰水利官员更迭表

姓 名	职 务	任 期	备 注
德尔格	成都水利同知	雍正六年(1728年)	
梁拱辰	成都水利同知	雍正六年	山西人、贡生
王廷珏	成都水利同知	雍正八年(1730年)	浙江人、监生
倪寿山	灌县知县兼水利同知		江苏上元人、举人
曹源邦	成都水利同知	乾隆四年(1739年)	浙江嘉善人、举人
朱介圭	成都水利同知	乾隆间	
万人表	成都水利同知	乾隆六年(1741年)	江西南城县人、监生
胡南藩	灌县知县兼水利同知	乾隆七年(1742年)	江西人、进士
李盛唐	成都水利同知	乾隆八年(1743年)	云南马隆州人、进士
陈士润	灌县知县兼水利同知	乾隆九年(1744年)	直隶人、举人
鲍成龙	成都水利同知	乾隆十年(1745年)	安徽凤阳人、拔贡
六十三	成都水利同知	乾隆十年	南院笔帖式
张文雱	成都水利同知	乾隆十年	浙江肖山县人、举人
陈士隼	崇宁知县兼水利同知	乾隆十九年(1754年)	
永 庆	成都水利同知	乾隆十九年	汉军镶红旗人
刘君成	成都水利同知	乾隆十九年	贵州贵筑县人、监生
秦宜稷	灌县知县兼水利同知	乾隆二十年(1755年)	山西人、举人
杨 绶	成都水利同知	乾隆二十年	
郑宗孔	汶川知县兼水利同知		浙江仁和县人、进士
李 演	成都水利同知	乾隆二十五年(1760年)	陕西三原县人
朱汝玘	成都水利同知	乾隆二十七年(1762年)	
嘉 庆	灌县知县兼水利同知	乾隆二十九年(1764年)	满州镶蓝旗人
汪松承	成都水利同知	乾隆三十年(1765年)	安徽休宁县人、阴生

续表

姓 名	职 务	任 期	备 注
沈 鹏	灌县知县兼水利同知	乾隆三十三年(1768年)	浙江人、举人
褚端北	灌县知县兼水利同知	乾隆三十三年	浙江人、进士
韩菜曾	成都水利同知	乾隆三十四年(1769年)	江苏人、举人
陈大文	成都水利同知	乾隆三十八年(1773年)	
贾运彦	成都水利同知	乾隆三十八年	山西人、举人
魏成汉	成都水利同知	乾隆三十九年(1774年)	广东嘉应州人、拔贡
张三孔	成都水利同知	乾隆三十九年	
仲纯信	成都水利同知	乾隆四十年(1775年)	山东莱阳人
王 宓	灌县知县兼水利同知	乾隆四十年	山西人、进士
余应长	成都水利同知	乾隆四十年	湖北安陆县人、举人
商安泰	成都水利同知	乾隆四十一年(1776年)	蒙古正黄旗人
张克明	成都水利同知	乾隆四十一年	
阮 澍	成都水利同知	乾隆四十一年	贵州毕节人、拔贡
黄 枢	成都水利同知	乾隆四十六年(1781年)	安徽休宁县人、监生
孙天宁	灌县知县兼水利同知	乾隆四十六年	奉天承德县人、举人
魏廷覲	成都水利同知	乾隆四十六年	
董 璿	成都水利同知	乾隆四十六年	山西介休县人
邓 英	成都水利同知	乾隆四十七年(1782年)	顺天宛平县人、举人
孙廷锦	灌县知县兼水利同知	乾隆四十七年	
邓 英	成都水利同知	乾隆四十八年(1783年)	复任
官 德	成都水利同知	乾隆四十八年	内务府正白旗人、官生
刘 炳	成都水利同知	乾隆四十八年	汉军镶白旗人、监生
陈九畴	成都水利同知	乾隆五十年(1785年)	
廖以庄	成都水利同知	乾隆五十三年(1788年)	江西奉新县人
李经文	成都水利同知	乾隆五十四年(1789年)	汉军正黄旗人
杨浚明	成都水利同知	乾隆五十六年(1791年)	安徽休宁县人、附贡生
索宁安	成都水利同知	乾隆五十六年	满州镶黄旗人
方宝昌	成都水利同知	乾隆五十七年(1792年)	顺天大兴县人、举人
淡士灏	灌县知县兼水利同知	乾隆五十八年(1793年)	
黄登陞	成都水利同知	乾隆五十九年(1794年)	
徐 鼎	灌县知县兼水利同知	乾隆六十年(1795年)	
汪师周	成都水利同知	嘉庆二年(1797年)	江苏吴县人、举人
丁蔡籀	灌县知县兼水利同知	嘉庆四年(1799年)	山东日照县人、举人
邓 煌	成都水利同知	嘉庆五年(1800年)	江西新城县人、举人
崔特峰	成都水利同知	嘉庆六年(1801年)	山西代州人、进士
沈 棠	成都水利同知	嘉庆六年	浙江山阴县人、监生
德 成	成都水利同知	嘉庆八年(1803年)	蒙古镶黄旗人、官生
周伟业	成都水利同知	嘉庆十年(1805年)	浙江萧山县人、监生
程 淳	成都水利同知	嘉庆十二年(1807年)	江苏安奉县人、监生

续表

姓名	职务	任期	备注
丁念祖	成都水利同知	嘉庆十四年(1809年)	福建晋江县人、附贡生
德成	成都水利同知	嘉庆十五年(1810年)	复任
朱奎	成都水利同知	嘉庆十六年(1811年)	浙江长兴县人、监生
徐鼎	成都水利同知	嘉庆二十年(1815年)	
包颢卿	成都水利同知	嘉庆二十一年(1816年)	镶黄旗人、附贡生
李桂林	成都水利同知	嘉庆二十四年(1819年)	
牛庭	成都水利同知	嘉庆二十四年	直隶献县人、进士
万春	成都水利同知	嘉庆二十五年(1820年)	
徐鼎	成都水利同知	道光元年(1821年)	复任
包颢卿	成都水利同知	道光三年(1823年)	复任
陈大溶	成都水利同知	道光四年(1824年)	顺天宛平县人、监生
袁昌业	成都水利同知	道光五年(1825年)	山东长山县人、监生
高兰孙	成都水利同知	道光五年	直隶任岳县人、附贡生
张端翰	成都水利同知	道光六年(1826年)	浙江永嘉县人、贡生
强望泰	成都水利同知	道光七年(1827年)	陕西韩城人、进士
杨佩芝	成都水利同知	道光九年(1829年)	贵州毕节县人、拔贡
胡鉴堂	成都水利同知	道光九年	直隶开州人、监生
杨良栋	成都水利同知	道光十年(1830年)	安徽泾县人、监生
王芝生	成都水利同知	道光十一年(1831年)	安徽婺源县人、监生
强望泰	成都水利同知	道光十二年(1832年)	复任
胡鉴堂	成都水利同知	道光十三年(1833年)	复任
强望泰	成都水利同知	道光十四年(1834年)	复任
诚斌	成都水利同知	道光十六年(1836年)	满州镶黄旗人、附贡生
强望泰	成都水利同知	道光十八年(1838年)	复任
刘均彝	成都水利同知	道光二十一年(1841年)	顺天大兴县人、举人
强望泰	成都水利同知	道光二十一年	复任
史致信	成都水利同知	道光二十二年(1842年)	浙江余姚人
强望泰	成都水利同知	道光二十二年	复任
史致信	成都水利同知	道光二十三年(1843年)	
强望泰	灌县知县兼水利同知	道光二十三年	复任
史致信	灌县知县兼水利同知	道光二十四年(1844年)	复任
强望泰	成都水利同知	道光二十四年	复任
陈斌	成都水利同知	道光二十五年(1845年)	湖南长沙县人、监生
贵麟	成都水利同知	道光二十五年	满州镶白旗人
周汝翼	成都水利同知	道光二十六年(1846年)	湖南善化县人、监生
沈英	成都水利同知	道光二十八年(1848年)	安徽人、举人

续表

姓名	职务	任 期	备 注
屈光達	成都水利同知	道光二十九年(1849年)	
吴文锡	成都水利同知	道光三十年(1850年)	江苏仪征县人、举人
庆 福	成都水利同知	咸丰元年(1851年)	蒙古镶红旗人
冯绍俊	成都水利同知	咸丰三年(1853年)	浙江山阴县人、监生
周锡龄	成都水利同知	咸丰四年(1854年)	陕西褒城县人、监生
吴文嘉	成都水利同知	咸丰五年(1855年)	江苏阳湖县人、监生
蔡立石	成都水利同知	咸丰六年(1856年)	湖北麻城县人、附贡生
英 启	成都水利同知	咸丰七年(1857年)	
粟 穗	成都水利同知	咸丰八年(1858年)	广西临桂县人、进士
张 超	成都水利同知	咸丰十年(1860年)	陕西富平县人、监生
福 伦	成都水利同知	咸丰十一年(1861年)	满州正黄旗人
吴宝林	成都水利同知	咸丰十一年	江西南城县人、监生
曾寅光	成都水利同知	同治五年(1866年)	湖南黔阳县人、监生
胡 均	成都水利同知	同治七年(1868年)	河南光州人、监生
吴宝林	成都水利同知	同治九年(1870年)	复任
曾定泰	成都水利同知	同治十年(1871年)	江西吉安县人、监生
董鄂新	成都水利同知	同治十一年(1872年)	直隶开州人、举人
徐传善	成都水利同知	光绪三年(1877年)	广东人
陈惠畴	灌县知县兼水利同知	光绪四年(1878年)	
董鄂新	成都水利同知	光绪四年	复任
刘廷恕	成都水利同知	光绪五年(1879年)	湖南善化县人、监生
盛时彦	成都水利同知	光绪五年	浙江秀水县人、监生
庄裕均	成都水利同知	光绪六年(1880年)	江苏元和县人、监生
陆法言	成都水利同知	光绪七年(1881年)	江苏元和县人、监生
盛时彦	成都水利同知	光绪八年(1882年)	复任
庄裕均	成都水利同知	光绪十年(1884年)	复任
宋兆熊	成都水利同知	光绪十二年(1886年)	进隶静海县人、监生
朱锡莹	成都水利同知	光绪十四年(1888年)	浙江人
宋兆熊	成都水利同知	光绪十六年(1890年)	复任
吴 涛	成都水利同知	光绪二十一年(1895年)	安徽人
赵 楨	成都水利同知	光绪二十四年(1898年)	贵州人
吴 涛	成都水利同知	光绪二十六年(1900年)	复任
朱锡莹	成都水利同知	光绪二十七年(1901年)	复任
吴 涛	成都水利同知	光绪二十八年(1902年)	复任
郑毓岷	成都水利同知	光绪二十九年(1903年)	广东人、举人
郑揆一	成都水利同知	光绪三十年(1904年)	广东人、举人
敬 禧	成都水利同知	光绪三十一年(1905年)	正黄旗人
庄裕均	成都水利同知	光绪三十四年(1908年)	复任
钱 茂	成都水利同知	宣统二年(1910年)	安徽人
吴和声	成都水利同知	宣统二年	直隶人

民国时期都江堰水利官员更迭表

名 称	姓 名	职 务	JZ 任 期	备 注
水 利 委 员	姚燮阳	水利委员	民国元年(1912年)	四川省灌县人
水 利 知 事	何光国	水利知事	民国二年(1913年)	四川省安岳人、举人
都 江 堰 驻 灌 县 水 利 委 员	唐鲁楨	水利委员	民国三年(1914年)	四川省雅安人、拔贡 四川省合川县人
	李景福	水利委员	民国四年(1915年)	
	何秉澄	水利委员	民国四年	
	钱 茂	水利委员	民国四年	
	徐 敏	水利委员	民国五年(1916年)	
	徐运昌	水利委员	民国五年	
	杨 奎	水利委员	民国六年(1917年)	
	彭作礼	水利委员	民国六年	四川省乐山县人
黄炳星	水利委员	民国七年(1918年)		
改 都 江 堰 驻 灌 县 水 利 委 员 为 水 利 知 事	童 良	水利知事	民国八年(1919年)	四川省巴县人
	董 威	水利知事	民国九年(1920年)	四川省灌县人
	蒲钟英	水利知事	民国十年(1921年)	
	张 沅	水利知事	民国十年	四川省安县人
	向金镛	水利知事	民国十一年(1922年)	
	黄鹏霄	水利知事	民国十二年(1923年)	
	官兴文	水利知事	民国十四年(1924年)~ 民国十八年(1929年)	四川省灌县人
	王 鑫	水利知事	民国十九年~民国二十二年(1933年)	四川省双流县人
周郁如	水利知事	民国二十二年~二十四年(1935年)	四川省成都人	
四川省水利局	张 沅	局 长	民国二十四年	四川省资中县人
四川省都江堰 工 程 处	李玉鑫	处 长	民国二十五年(1936年) ~民国三十三年(1944年)	四川省眉山人
四川省都江堰 流域堰务管理处	张 沅	处 长	民国 33 年~民国 35 年 (1946年)	
	周郁如	处 长	民国 36 年(1947年)~民 国 38 年(1949年)	

中华人民共和国成立后都江堰机构负责人更迭表

名 称	姓 名	职 务	任 期	备 注
四川省都江堰 管 理 处	徐松涛	处 长	1950年代理副处长 1951年—1964年4月	四川省成都市
	王干轩	副处长	1951年—1953年	
	张建中	副处长	1954年—1964年	
	阎秉祥	副处长	1963年1月—1978年12月	山西省保德县
四川省都江堰 管理处革命委 员会	张吉祥	革委会主任	1969年2月—1978年9月	四川省灌县
	唐宏开	革委会副主任	1969年2月—1978年9月	四川省蓬安县
	崔鸿宾	革委会副主任	1969年2月—1978年9月	河北省栾县
	阎秉祥	革委会副主任	1970年9月—1978年9月	
	向一全	革委会副主任	1976年9月—1978年9月	四川省成都市
四川省都江堰 管 理 处	陈学忠	处 长	1978年9月—1978年12月	
	别国斌	副处长	1978年9月—1978年12月	
	阎秉祥	副处长	1978年9月—1978年12月	
	白合袖	副处长	1978年9月—1978年12月	河北省永牟县
	李增诗	副处长	1978年9月—1978年12月	山西省浮山县
	陈建文	副处长	1978年9月—1978年12月	
	张占立	副处长	1978年9月—1978年12月	山东省定陶县
四川省都江堰 管 理 局	陈学忠	局 长	1979年1月—1983年8月	
	马安民	副局长	1979年1月—1983年8月	陕西省咸阳市
	周锡敬	副局长	1980年12月—1983年8月	四川省成都市
	阎秉祥	副局长	1982年1月—1983年8月	
	阎秉祥	顾 问	1983年8月—1985年12月	
	王布雷	局 长	1983年8月—	
	周锡敬	副局长	1983年8月—1993年11月	
	王清炳	副局长	1983年8月—	四川省丰都县
	冯林森	副局长	1983年11月—1989年1月	四川省西充县
	吴宗灿	副局长	1989年1月—1992年4月	
	彭述明	副局长	1989年7月—	
	陈建文	副局长	1992年11月—	
李万友	副局长	1992年11月—	四川省德阳市	

机构名称	姓名	职务	任 期	备 注
中共都江堰 管理处支部	张建中	支部书记	1954年—1964年	山西省夏县
	阎秉祥	支部书记	1964年—1973年	山西省保德县
中共都江堰 管理处委员会	陈学忠	党委书记	1973年12月—1978年12月	辽宁省开源县
	阎秉祥	党委副书记	1973年12月—1978年12月	
	别国斌	党委副书记	1973年12月—1978年12月	河南省内乡县
	陈建文	党委副书记	1973年12月—1978年12月	四川省阆中县
	白合袖	党委副书记	1978年3月—1978年12月	河北省永牟县
中共都江堰 管理局委员会	解 满	党委书记	1979年1月—1983年8月	山西省山阴县
	陈学忠	党委副书记	1979年1月—1983年8月	
	吴宗灿	党委书记	1983年8月—1992年4月	四川省隆昌县
	王布雷	党委副书记	1983年8月—1989年1月 1990年8月—1993年5月	四川省邛崃县
	肖明仁	党委副书记	1989年1月	四川省潼南县
	王布雷	党委书记	1993年6月	
	彭述明	党委副书记	1993年6月	四川省武隆县



## 都江堰灌区行政区划变更资料

(据《四川省行政区划沿革》资料)

### 一 撤销的县

成都县：政务院 1952 年 6 月 21 日政政齐字第 77 号批复撤销。将成都县管辖的 12 个乡，分别划归成都市、温江县、新都县、郫县、新繁县。

华阳县：政府驻地于 1950 年由成都市正府街迁至中和乡，1951 年又迁至中兴乡。国务院 1965 年 3 月 27 日第 154 次全体会议决定撤销，行政区域并入双流县。

崇宁县：国务院 1958 年 9 月 5 日议字第 61 号决定撤销，所属丰乐乡划归灌县；君平、庆兴、桂花 3 乡划归彭县；其余唐昌等 6 乡及唐昌镇划归郫县。

新繁县：国务院 1965 年 3 月 27 日第 154 次全体会议决定撤销。其行政区域并入新都县。

罗江县：国务院 1959 年 3 月 22 日议齐字第 6 号决定撤销。所属河清、宝林两乡划归安县；其余 16 个乡、1 个镇划归德阳县。

### 二 改县设市：

都江堰市：1988 年灌县改设为“都江堰市”（县级）。

广汉市：1988 年广汉县改设为“广汉市”（县级）。

### 三 灌区 6 个市(地)建制变更

成都市：1949 年为 14 个区。1950 年合并为 8 个区。1952 年合并为 6 个区。1953 年合并设立东城区、西城区、望江区、万年区、龙潭区。1955 年撤销万年、龙潭两区，合并设立郊区，撤销望江区并入东城区。1960 年撤销郊区，设立金牛区、龙泉驿区、青白江区。1973 年建立县一级的黄田坝办事处。1977 年将温江地区的金堂、双流两县划归成都市。1981 年将金堂城厢、太平两个区共 11 个乡、1 个镇划归青白江区。1983 年 3 月撤销温江地区，将所辖的温江、郫县、灌县、彭县、新都、广汉、什邡、新津、崇庆、邛崃、蒲江、大邑 12 个县划归成都市管辖。同年 8 月，广汉、什邡划归德阳市。1991 年成都市将东城区、西城区、金牛区调整为金牛区、青羊区、武侯区、锦江区、成华区 5 个区，每个

区均有城乡。1993年彭县改为彭州市。

绵阳市：1976年设立绵阳市（县级），以绵阳县的城关镇、城郊、五一、涪江、园艺4个公社为行政区域。1979年撤销绵阳县，其行政区域并入绵阳市。1985年撤销绵阳地区，绵阳市升为地级市；并设立市中区，以原绵阳市的行政区域为市中区的行政区域。

德阳市：1983年8月设立德阳市（地级），以德阳县的部分行政区域和绵竹县的汉旺镇为德阳市的城区。将绵阳地区的德阳、中江、绵竹3县和成都市的广汉、什邡2县划归德阳市管辖。1984年撤销德阳县，设立德阳市市中区，以德阳市城区和原德阳县的行政区域为德阳市市中区行政区域。

乐山市：1979年撤销乐山县设立乐山市（县级）。1985年撤销乐山地区，乐山市升为地级市。

内江市：1951年设立内江市（县级）。1985年撤销内江地区，内江市升为地级市。并设立市中区，以原内江市的行政区域为内江市市中区的行政区域。

遂宁市：1985年撤销遂宁县，设立遂宁市（地级）。设立市中区。将原

绵阳地区的蓬溪、射洪两县划归遂宁市管辖。

#### 四 灌区部分县的合并与恢复

彭山县、青神县：1959年撤销彭山县、青神县，其行政区域并入眉山县。1962年恢复彭山县、青神县及其行政区域。

双流县：1958年撤销双流县，其行政区域并入温江县。1962年恢复双流县及其行政区域。

新津县：1960年撤销新津县，其行政区域并入大邑县。1962年恢复新津县及其行政区域。

新都县：1960年撤销新都县，其行政区域并入新繁县。1962年恢复新都县及其行政区域。

什邡县：1960年撤销什邡县，其行政区域并入广汉县。1962年恢复什邡县及其行政区域。

#### 五 岷江上游县的合并与恢复

茂县：1958年4月21日，以茂县、汶川2县和理县的一部分合并设立茂汶羌族自治县，县政府设汶川县威州镇。1963年恢复汶川县及其行政区域。仍置茂汶羌族自治县，县政府迁回原茂县凤仪镇。1987年阿坝藏族自治州改名为阿坝藏族羌族自治州时，同年12月10日茂汶羌族自治县恢复原名茂县。

## 编 后 记

《都江堰志》在四川省地方志编纂委员会统一安排和直接领导下，由都江堰管理局负责编写工作。于1982年5月成立《都江堰志》编辑室，属都管局行政办公室，开展工作。1985年8月调整堰志编辑室为科室待遇，直接由局领导，另调一位熟悉都江堰业务的同志担任副主编。1986年6月省志编委会领导同意堰志篇目，1987年4月由4人分工分篇开展编写工作。1990年3月完成70万字初稿，后增至110万字，到1992年8月末脱稿。9月都管局领导采取措施，调整和加强编委会，请特约顾问和7位专家、教授分篇同时审改与总纂，并由王布雷局长兼编委会主任和主编。1993年3月12日正式上报送审稿50余万字。经省志编委会全面审阅后，又进行3次调整篇目和修改，于9月11日第二次上报送审稿。10月中旬进行终审修改，12月底定稿。1994年1月3日送交四川辞书出版社出版。

《都江堰志》的编写，得到中央与省领导的重视和关怀。原水利（水利电力）部部长、现全国政协副主席钱正英，中共四川省委书记谢世杰分别为《都江堰志》作序；原水利（水利

电力）部副部长、著名水利专家、90多高寿的张含英，清华大学著名教授、80多高寿的黄万里，河海大学著名教授、80多高寿的顾兆勋，前任四川省人大常委会主任郝炬，分别为本志写诗、词。特此敬谢。

1984年5月29日，由省水利志编辑部邀请原中共灌县县委第一书记、四川省政协副主席张广钦在成都主持召开“建国初解放军抢修都江堰座谈会”。参加抢修的原184师师长林彬、师政委梁文英、参谋长尚思光、政治部主任张希庸及所属3个团的团长，提供了详实的书面材料。约请马识途撰书了《解放初军民抢修都江堰碑记》。在此，表示衷心感谢。

在原省水利厅副厅长、四川省人大常委金鉴关怀下，于1986年8月上旬在都管局召开了老干部座谈会。金鉴、李克、刘良、巩坚壁、郭耀观、张建中、魏振华、詹国华、包士堃、张季春、邱锦等提供了建国后都江堰扩建发展的重要情况及部分资料。在此，表示衷心感谢。

《都江堰志》涉及面广，记述时间长，得到广泛的关注和支持。向我们提供资料的单位有：水利部水科院、

四川省档案馆、四川省统计局、四川省国土局、四川省水电厅、省水利志编辑部、省民政厅、省农牧厅、省林业厅、省气象局、省水文资源局、省水文地质勘察大队、省水利水电设计院、省地方电力管理局、省农水局、成都市第二档案馆、成都市统计局、成都市国土局、成都市气象局、成都市环境保护委员会、成都市工业污染源调查办公室、成都市河道管理处、岷江木材水运局都江堰市水运处及松潘、黑水、理县、茂县、汶川县志编辑部，都管局档案室及有关科室，人民渠一处、人民渠二处、东风渠管理处、外江管理处、黑龙滩水库灌区管理处、龙泉山灌区管理处、通济堰管理处等。在此，向以上单位领导和同志表示衷心感谢。

在审稿前后，四川省地方志编委会副主任秦安禄、原副主任魏国祯、曹希之、四川省志总编辑秦宜雅、总编室副主任孙晓芬、黄友良、总编室彭微荪等对志稿作了具体指导并多次参加研究，四川人民出版社钱学文对志稿作了修改，在此，表示衷心感谢。

《都江堰志》曾由都管局原局长陈学忠、原副局长冯林森、原党委书记吴宗灿先后领导开展工作。1990年3月至1992年9月期间，曾聘请蒲孝荣同志担任主编作了指导工作。戴子介副教授书写《都江堰志》封面。胡

长江高工及都江堰市委宣传部前任部长江明义，都江堰市政协主席张定乾为《都江堰志》提供照片，陈永栋工程师为本志绘制“都江堰区域全图”，均表示衷心感谢。先后在堰志编辑室工作过的李昌善、肖帆、周忠厚、秦正林、黄正荣、王治珍、刘献书、周心沅、邹良心、张颖等同志，他们为堰志的完成付出了辛勤的劳动。

《都江堰志》初稿编写的分工是：吴敏良写自然地理、水资源利用及社会效益；易文光写工程创建与发展、人物；周心沅写水政及管理；阎培志编写大事记、水费征收与综合经营、科学技术、附录。1992年9月，特约顾问张纪淦和分篇审改的7位专家张先仕、熊达成、郑霖、郭嘉仁、徐慕菊、冯广宏、徐峰同时进行审改。熊达成对工程创建与发展篇改写为“创建发展”、“扩改建设”两篇。郭嘉仁对“水政及管理”篇，改写为“灌区管理”，将水资源利用及社会效益篇、水费征收与综合经营篇合并为“效益”。并由熊达成起草《概述》。最后，由吴敏良负责概述、自然环境、渠首工程、灌区工程和管理等篇的文字加工，由阎培志负责大事记、效益、科学技术、堰功人物及附录的文字加工，完成送审稿，于9月11日上报。并按审核意见完成修改，于11月15日上报终审。

定稿由责任总编金成林编审

---

审定，删削了较多重复文字，并改写了《概述》；凡例、大事记、堰功人物、附录并经秦宜雅编审审订修改，在此

一并表示衷心感谢。

1993年11月

(川)新登字 009 号

责任编辑 陈锦林 蒲家驹  
封面设计 兼 葭  
技术设计 兼 葭  
责任校对 吴秀英 王屏汉

书 名/都江堰志

编著者/四川省地方志编纂委员会

---

出版·发行 四川辞书出版社  
印 刷 成都前进印刷厂  
开 本 787×1092 毫米 1/16  
插 页 18  
版 次 1993 年 12 月第一版  
1993 年 12 月第一次印刷  
印 张 35.25 字数 595 千  
印 数 1—5000 册

---

ISBN7-80543-365-8/K·25

定价：38 元

# 都江堰志

ANNALS OF DUJIANGYAN

ISBN 7-80543-365-8 A·25 定价: 38.00 元